

طرف ثالث

اهداء...

الى تلميذي الذي أخرج البركان الذي انفجر بداخلي..

عدت لكتابتي وحروفي لأفرغ ما بين ضلوعي في حروفي وصمتي.. لكل شخص لم يستطع قراءة عيوني ها
أنا أضع حروفي أمامكم لأخبركم كلام لم استطع اخراجه من ضلوعي.. ف رأيت الكتابة أنسب حل ل
قصتي... وحروفي أخذت حقها ب كل كلمة..

طرف ثالث.. رواية تجاوزت كل التوقعات.. أضع وجعي أمامكم.. أضع صمتي بين ايديكم..

أضع خيبيتي أمامكم.. اهدائي لكل شخص زرع بداخلي كلام لم استطع لليوم وصفه.. اهدي كل كلمة
بكتابي لكل شخص كان سبب بطمس اللمعة المختبئة داخل عيوني.. كان سبب في اطفاء شمعة قلبي..

الى ذاك الشخص الذي قال لي اکتبي وسأنتظر كتاباتك.. الى ذاك الشخص الذي قال لا تبجري في
محيطات التفكير المظلمة فتسحبك امواجه العاتية.. ورماني في ذلك الطريق.. الى ذلك الذي رماني
بمشاعر مبعثرة وذهب... لعن الله حبك ولعن الله معرفتك.. فلتذهب الى طريق تفتقر فيها الايادي
الممتدة.

(الحب ليس رواية شرقية بختامها يتزوجها الابطال لكنه الابحار دون سفينة وشعورنا ان الوصول

(محال)

تمام؟؟

لما تحاول ترضي حالك و ترضي كل الأطراف و الي حولك.. بالمقابل ما تلاقي حد يحاول يرضيك.. لما تحس حالك انه انت عم تعطي بدون مقابل.. لما تعطي كل ما عندك للطرف الثاني.. وما يقدر عطائك.. لما تحس حالك ضايع.. وقف.. لا تصفن.. احسبها بالورقة و القلم.. الشخص الي بتحاول ترضيه من جميع الجهات.. بتستاهل؟؟؟

اذا بستاهل كامل.. اذا ما بستاهل وقف و انسحب حتى لو روحك معلقة فيه.. و فوق كل هاد بتحاول ترضي حالك.. عشان تحس حالك تمام.. انت تمام؟؟ لو حسيت الشخص الي بتحاول ترضيه.. غرقان ب ماضيه.. اتركه.. انت ساعدته صح؟؟ وما حس بقيمة مساعدتك اله

يعني اعطيته.. وما قدر عطائك.. اتركه.. ابعده عن كل شخص مش مقدر وجودك بحياته.. الحياة ما بتوقف ع حد.. العتاب مرتين و الثالثة ب امان الله.. تعبت و انت بتحاول.. ع الاقل حاولت مش عارف اي طريق تمشي!! امشي بالطريق الي انت مرتاح فيها..

حاولت كثير و ما زبط معك.. غير كل الطريق الي انت فيها..

تمام؟؟؟ و بس والله

طرف ثالث

وصلت؟؟

مش فارق معك حد.. على فكرة الضربة الي بتيجيك من اقرب الناس.. وبتيجيك الضربة ب نص ظهرك و انت مش حاسس ع حالك.. الضربة الي بتأذيك.. هي الي بتصحيك.. وبتقولك (ما حد لحد).. حتى الناس الي كنت تخاف عليها.. ع اول مفرق طريق بتركك.. على اول مطب بتركك.. واحيانا بتحس دخولك لحياة شخص فاقد ثقة الناس كلها.. دخول سيء.. او مش وقته.. او انت جيت بالوقت الغلط.. بالوقت الي هو حيران فيه.. مش عارف من اي متاهة يطلع!! متاهة قلبه.. او متاهة الكذب الي عاشها.. او متاهة النفاق.. ومع هيك بضلك معاه ل اخر الطريق.. بس تيجي عليك ايام.. مش عارف اي طريق تاخد.. طريق عقلك ولا قلبك.. بتخاف من عقلك ومن قلبك.. ولما تحس حالك.. ضيعت كل وقتك ع شخص.. ما قدر وجودك.. او يمكن هو مقدر يس مش عارف يتصرف.. ويتحكم ب مشاعره.. مش عارف يكسبك ولا عارف يخسرك.. وبنفس الوقت ما بدنا نحط مبررات ل شخص اغلب وقته فاضي.. وما بسأل عنك الا لما يحس لازم يحكي رفع عتب.. ومع انه فيك تعطي من وقتك الفاضي ثواني.. وتسال.. لو شو ما كان ب ايدك.. حتى لو نازل من باب بيتك.. ومستعجل.. برسالة من 7 احرف (طمني عنك)!!!

وصلت؟؟؟؟

طرف ثالث

الغالية..

رح يجي يوم تصحى وما تلاقي حد معك.. حتى انا مش رح اكون موجودة.. رح ترن وما رح ارد.. رح تبعت مسجات وما رح تلاقي رد.. رح تحاول توصل الي بطريقة معينة.. وكل واحد اله طريقته.. بس لما توصل لا الي.. وقتها كل شي بكون راح..حتى انت وقتك معي خالص..حتى صديقي معك رح ينقلب كذب ب كذب..مش عشان انا بدى اكدب..عشان انت جبرتي اكون هيك واصير هيك..رح اكون مع حالي..لحالي..بحالي..مشغولة..الي انت ضيعتها ب اهمالك وتصرفاتك..رح اكون موجودة..بس طبعا مش عشانك..وقتها رح تحس انه (الغالية)..راحت..هون بتصحى..بتصحى انه في شي صار غريب..ورح ترجع زي اول..مش عشان انا اختفيت..لأ..عشان انت ما قدرت..لانه وصلت معاك لطريق مهدودة..طريق ما الها طرف ثالث..رح تلف يمين وتلف شمال..عشان توقف على رجلك..بس رح تلاقي الناس عم بتهد حيلك..ورح ترجع توقع..وكل ما بدك تسعى..رح توقف سعي..ورح ضلك عايش ب انهداد حيل..لانه مش ملاقي دعم..وحيل وقوة..من هداك الشخص الي اعتبرته حياتك..وقتها رح بتكتشف انه كل شي راح..وكل شي فات...

الغالية.....

طرف ثالث

وصلتك ولا اعيد!!!

مخنوق.. تعبان.. مهموم.. مدايق.. ضايح.. وما في بني ادم ما بمر ب هدول الحالات.. على فكرة انت مش اول واحد بصير فيه هيك.. يمكن همومك بتهون.. ووجعك بيهون.. وكل شي ضرك بيهون.. بس تقعد مع قلب عاش كسر الخاطر.. وما لقي حد يجبروا.. هاد الي ما بيهون.. الي ما بيهون اكثر.. انه لما حد يبعثك ل ترد.. ويضل يبعث ويبعث ويبعث.. وبالاخر ترد عليه ب قلب احمر.. على فكرة كلنا بنعرف نبعت.. وكلنا بنعرف نرد نفس ردك البارد.. بس لو انت باعت كل هاد.. ولقيت نفس الرد.. هون رح تحس بكسرة الخاطر بالرد.. كسرة الخاطر موزي كسرة اليد.. اليد بتتجربس الخاطر عمره ما بتجبر.. وعلى فكرة متل ما انت بتجرح ب تصرفاتك.. انا بعرف اجرح واحفر فوقها.. بس احيانا اغلب الكلام ما بنحكي.. مش لانه قليلة الكلام والحركة.. لأ.. لانه اغلب كلامي وحركاتي رح ترميك ب سابع ارض.. ولما تحس الرد تبغي بارد.. لانه وصلت معاك لمرحلة بلشت اكره اضل احكي بنفس الموضوع.. ولما تحس انه اسلوب الشخص الي انت معتبره كل شي بتغير.. امشي ع مبدأ (عامل كما تعامل)

وغير اسلوبك.. بس لا تغير كرامتك عشان اي حد

وصلتك ولا اعيد؟؟؟؟؟؟؟؟

طرف ثالث

عادي..

رح تمشي الايام.. وكل شي رح يتغير.. حتى انا.. رح تكتشف انه الاشياء الي نفسك فيها رح تتغير حتى نظرتك للناس و الاشخاص الي بتحبها رح تتغير حتى نظرتك للحياة رح تتغير يعني تعاملك مع اقرب الناس ومع حالك رح يتغير.. رح تتغير..

رح تكتشف انه الي كنت عايش عشانه.. تغير.. وكل شي مع الوقت كنت خايف منه.. رح يصير عندك عادي.. انه خلص بطلت تفرق معك.. بتتحول من شيء ل شيء... رح تخسر كل شيء ب ارادتك.. حتى لو كانت هاي الشغلات بتكسرك.. رح تتغير.. رح تبطل تهتم عادي.. صح انه يمكن تندم جزء بالمية.. بس برضو عادي..

صح انه يمكن تندم جزء بالمية.. بس برضو عادي.. ورح تكتشف انه مافي شي بضل مثل ما هو.. ورح تعرف انه وجودهم ب حياتك وعدمه واحد.. رح تصير تطنش على اتفه الاسباب لانك زهقت... حتى لو كان بخونك.. رح بصير عندك عادي انه يخونك.. لانه انت زهقت وانت تفتش وراهم.. وتنبش ب ماضيهم.. يا اخي

(عمره ديل الكلب ما بنعدل).. خليك ماشي على ممشاك و اتركهم.. لانه كل شي صار عندك عادي....

عادي!!!!!!

طرف نالك

أنا ما بتعوض

هاي الجملة الي بختم فيها كلامي وما بندم وانا بحكيها مع اي شخص طلع من حياتي... مش رح اجبرك
تضل معي... لأ.. ببعدك عن الطريق.. وبقولك بالسلامة والله معك.. مش رح اطلب منك تضلك معي
وبحياتي.. ما بجبرك ع شي انت ما بدك اياه.. طبعا هاي موشوفة حال.. ولا غرور.. انا بنت حواء.. زي
زي اي بنت حوا على الارض.. وعندها عيوب.. بدك تروح روح.. عادي لا اول شخص ولا اخر شخص
بطلع من حياتي.. بس لانه انا بضحى بشغلات كتيرة.. بس الشى الي ما تقدر تسامحه.. الكذب والخيانة..
شو ما كان.. من تعامل.. من اسلوب.. من كلام.. من تصرفات.. من اكر من شغلة.. بدك منى بتلاقي كتير
وعلى عدد شعراسك.. بس متلي.. وزي.. انا عملة نادرة ما في زيبا.. عشان هيك خليك ماشي على جملة

(انا ما بتعوض)!!!!

طرف نالك

عشان أنا وبس..

ما في بني آدم على وجه الأرض الا وعندو مشاكل ونزاعات وبالأحرى (قصص طرمة).. يوم تلاقيني جمبك.. واول شخص يطبب عليك.. يوم أحطك قبل اي شي مهم ب حياتي.. يوم اعني عيني عن الكل.. واقول يلا بستاهل.. ما تقدس حدا.. بس الشئ الي ما كنت اعرفو.. انك انت عمى عيني بحد ذاته.. غلطت ب اختياري لك!!!

كنت اشوفك انه انت الصبح او انت ملاك نازل من السماء.. الي ما فيه ولا عيب.. وما بدني احكي انك اكبر خطأ.. لانه في أخطاء عملتها بحياتي كانت أكبر.. ويمكن انت مجرد خطأ عابر بحياتي.. بس لاحظ انه بحكي عنك بصيغة الماضي.. مش عشان انت ب ماضي.. لأ لانه صحيت ع حالي.. انه انت دورك تدور على رضاي.. تعبت وأنا أزحف لرضاك.. ونسيت انت انه انا وانت اخترنا هاي العلاقة بس انت ما قدرتها ونسيت انه انت البداية كانت قدرو جمعنا.. ونسيت كلامك يوم ما فكرت تلف ظهرك وتمشي.. عشان هيك.. انا عايشة عشان اسعد حالي.. مش عشان اسعدك.. ولا عشان هداك وهديك..

عشان انا وبس!!!

طرف نالك

شورح تخسر!!!

طيب تمام... خذ مني كل وقتي وكل انشغالاتي وكل تفكيري.. بس حرفيا خليني أحس انك انسان عنجد بستاهل.. أحس انك انسان كل ما أحواجه الاقيه.. وما يتحجج.. وما يتهرب وما يفز كل ما اكون بحاجة.. خليني احس انك قريب.. واحسك اقرب من القريب علي.. وبهذه اللحظة ممكن اغض نظري عن شغلات و عيوب.. انت نفسك مش شايفها بحالك.. خذ من وقتي.. بس بالمقابل.. هات.. اعطي.. اثبت.. مثل ما انا بتعب ل اثبت وجهات نظري.. مثل ما انا بقدر.. وبعطي وبضحكي.. يا أخي قدر.. يا أخي أعطي.. وبعدها نقطة ونهاية السطر.. قول لي شو بتخسر... لو ضلينا ع نفس الشعور.. ع اختيارنا.. ع حينا.. ع مبدأنا.. لو بقينا ع كلامنا... لو حاربنا عشانه.. شورح تخسر؟؟؟

ترا خسرت أشياء كثيرة...

طرف ثالث

عبين ما عملت..

ترا لما تبعت مسج وتغيب بالساعات... و ارد عليك وقتها.. وتقرأ وما ترد.. تراها تحز الخاطر.. على فكرة الي انت فيه هلا.. كله كذبة ب كذبة.. لانه انت سهل عليك تكسر وتجبر.. وبتستسهل كل شي بحياتك.. على فكرة.. بقدر اخون.. وبعرف اكذب.. وفييني اطعن.. بس في ايام بتيجي أسهل علي.. لو اختصرت كل الحكي معك.. لانه لما بدى أعاتب.. رح يكون نفس الجواب.. (عبين ما عملت الي علي)..

ومعظم وقتك فاضي.. لا.. والاحلى بس ينسأل.. (وين كل هاد)!!!

جواب بكل برودة أعصاب.. (بس اجوع ما بشوف حد).. او (ضايح من الشوب)..

كل قصة حب او صداقة.. بس بدايتها حلوة.. مع الوقت بتتغير.. مش الشخصيات الي بتتغير.. لأ... النفوس بتتغير.. بتكون انت وصلت لمرحلة زهقت تعاتب... زهقت تسأل.. لانه كل مرة نفس الحجة ونفس الجواب.. بتعرف ليش الناس نفوسها بتتغير؟؟؟ لانه لاقت اهتمام زايد عن حده.. ورح تكون باصمة انه لو شو ما عملت وغبت.. رح يضل نفس الطرف الثاني هو هو ما رح يتغير.. انت تتغير عادي.

انا اتغير حرام.. يا أخي عيش دوري مرة وحدة ب حياتك.. وحس شوي

طرف ثالث

انت تمام

لما يجي بني ادم يحكيك انه بحب وحدة من زمان.. ويكتشف بالآخر انه الطرف الثاني... خاين.. كذاب.. منافق.. كلمتي المعتادة (ابوجهين).. وبنفس الوقت ما تقدر تتركه.. لانه شايف فيه شغلات مو شايفها ب حد ثاني.. او بالاحرى..

(لقيت الحب الي انت مضيعه)... ترا.. الحب شعور.. وبأي لحظة بنطفي هاد الشعور.. الحب ما فيني احكي عنه احساس.. لانه مش دايم الاحساس صادق.. ترا كل واحد عنده غصة ب قلبه.. وكل واحد عنده جزء ميت جواه.. وكل واحد حاسس ب اخر نفس ب عمره.. وكل واحد عنده شي الي يخليه عايش.. انا مين الي؟؟؟

بحكولي دايم بعوضك الله.. على شو بدو يعوضني.. على الف قطب ب قلبي.. ولا على مليون وجع ب روحي.. ولا على صرخة موجودة جواي... وفوق كل هاد عم تتحمل فوق طاقتك.. عم بتحاول ترضي اهلك.. وما تزعل هاد وهاد.. وتحاول ما تتعلق بحد.. وبتحاول تكون منيح.. مع الكل حتى مع حالك.. كل هاد بنفس اللحظة الي انت عم بتواجه مخاوفك.. صراعاتك مع حالك.. بتحاول تثبت للناس انك منيح.. وما مالك شي.. بس انت فيك كل شي.. بس انت تمام...

انتو تمام؟؟؟؟

نيالك فيه

يا جماعة.. بتعرفو شو هو الشعور يلي بوصلك لمرحلة انك مش شايف غيره!! انه يكون بحياتك شخص.. نقطة ضعفه انت.. والي بيعمل اي شي عشان يشوفك مبسوط مش اكرت.. والي تقول له انا بحاجتك... يجيك لو انك اخر الدنيا.. والي بضلع العهد قبل الوعد.. والي بوقف معك حتى لو الغلط راكبك من ساسك ل راسك.. والي بوقف بوجه الدنيا عشان ما يخسرك.. والي بدو مصلحتك قبل مصلحته.. واذا عندك منه هاد الشخص.. انا بقولك من كل قلبي تمام (نيالك فيه).. لأ.. انا ما بحسدك.. بالعكس.. دير بالك عليه.. لانه هاي الايام.. قليل ما تلاقها.. او حتى هاي الناس انقرضت.. هاي الايام ما حد لحد.. حتى الوعود بتكون حبر على ورق.. حتى السعادة.. بس على مواقع التواصل.. وورا التلفزيونات... انك عنجد تحس ب سعادة مع شخص هوكل شيء بحياتك.. بس بتحس بالسعادة على الواتس اب.. بس حتى لو شفته.. رح تحس انه لذة الحب والاحساس ما عاد زي اول....

طرف نالك

هاي المرة غير

ما بنكراني بحبك وبعشقتك فوقها.. وما انكرانه الي عشته معك زي قصص الخيال.. لكن هاي ب قصص الخيال.. لكن هاي المرة انت الي جبرتي.. لانه الي عم بصير فوق طاقتي.. وفوق قدرتي... وفوق كرامتي.. وفوق راحتي وراحة قلبي بهاي اللحظة.. حطيت قلبي على جمب.. لانه طول عمري بمشي ورا قرار قلبي.. وتاركة عقلي يتفرج شو بصير فيني... هاي المرة غير... موزي كل مرة اركض ورا احساسني.. يا اخي يلعن احساس احساسني.. انت خليت عقلي يضيع... وانت هلا خليتو يصحى ويستوعب شو عم بصير فينا.. جرح ورا جرح.. جرح ورا كسر.. ل متى؟؟ وعشان؟؟ وليس؟؟ ترا.. ما انخلقت انا عشان ارضيك.. ما رح اعاتب كتير واحكي بنفس الموضوع الانسان بشكل عام بمل من تكرار موضوع بنحكي فيه.. واكثر ما بنحكي

(كيف الحال.. طمني عنك).. مليت وانا كل يوم بنفس الكلام.. خلص.. لهون وبس.. بعرف انه رح اتعب ع غيابك.. بس الكرامة فوق حبك وفوق كل شي.. يا اخي يتقطع قلبي عليك.. وينحرق وان شاء الله.. مش رح اطلب رضاك..

طرف ثالث

أبسط درجة

انا ما بدي شخص كامل.. بكفي وجود شخص واحد بهاي الدنيا احس انه قلبي مطمئن من ناحيته...
وانه النيران الي جوا قلبي توقف وتهدى.. بكفيني انه يكون بحياتي واحد احكي كل شي من دون خوف او تردد...

بس بدي كتف واحد استند عليه من دون ما احسسه انه بدي كتفه.. بدي حد يتقبلني بكل حالاتي..
وبكل الحالات الي جواتي... ويتقبل الشغلات الي انا مش فاهمه شوي هي جواتي شو بتعمل.. وبكل موقف رح يهون علي...

انا بسيطة لدرجة ما حد بتخيلها.. انه يطبطب ع كتف شخص ويحضني حضنة من وراها ينجر قلبي...
عنجد في اشياء بسيطة بتغير كثير قصص وبتقلب حالنا.. بعمرى ما كنت بحاجة لمجموعة اصدقاء.. انا
بس بحاجة لواحد بس .. أحس اني رح الاقيه بكل الجهات.. وانه قلبي وقت ما يحتاجه يلاقيه.. انا
ابسط من هيك.. وابطط من اي شي.. بحاجة لقلب كله ود وحب

وبس والله.....

طرف ثالث

صرت أقوى

صرت أقوى.. مش فارقة كثير معي.. صار عندي استعداد اواجه اي شخص ومن اول الطرق.. بلشت افهم.. مش رح اتغير.. رح اضل متل ما انا.. ما بتغير عشان اي حد.. شو ما كان عزيز علي.. لانه اخرته طالع من حياتي.. ما بتغير عشان شخص ما بقدر وجودي في حياته.. يا اخي انت هيك حبيتني صح؟؟ ب عيوبي.. ب جنوني.. ب قوتي.. ب عنادي.. ب وجعي... ب ضعفي.. واهم شي حبيتني.. ب كل ماضي.. انا بعيدة عن اي شي بخص المراهقة.. بعرف شو الي بدي اياه والي ما بدي اياه..

مش ثقة زائدة لأ.. الي عندي اختلاف.. البساطة الحقيقية.. العفوية.. وعندي اكتفاء.. في وقت صار فيه المغريات كثيرة.. وفوق كل هاد.. الشئ الي بشوفه سهل بتركولغيري.. والشئ الصعب بركض ورا....

طرف ثالث

انواع الناس.....

في ناس بحياتك لتكمل النقص الجواها.. بياخدو منك ليكملو حالهم ع حسابك وحساب قوتك...
في ناس بتحبك لانه بس انت وجهك بذكرهم بحد ويمكن هالحد بعيد.. حسب مكانك وموقعك
والزمان.. وبحسوانه انت الاقرب اليهم ب احساس بشيهم
في ناس بتودك وبتعزك وبتحبك.. لانه انت بالنسبة اليهم حلم.. بيحلمو فيه.. وطول الوقت بتفكر فيه..
في ناس هيك بحبوك لانك انت هيك مثل ما انت... لانه انت هيك وفيك مليون علة وعلة... حتى انت
مش عارف ليش بحبوك ولا هم بيعرفو السبب.. بس خلص بحبوك.. ب عيوبك.. ب جروحك..
بكسرك.. ب كل شي فيك...

طرف ثالث

احكي شغلة؟؟

انت كذاب.. اه كذاب.. عارف ليش؟؟

لانه كل يوم وقت ما اصحى على مدار 4 أشهر.. بس اصحى امسك تلفوني.. وبكون عندي امل.. لاقى رسالة منك.. بس بشوف كم رسالة ولا وحدة مهمة..

اقولك ليش انت كذاب...

لانه انت حكيت بس تتعي.. رح اكون جمبك.. وتعبت وما لقيتك..

وحكيت كمان.. رح اكون اول شخص مادد ايدي الك.. وكنت انت اول واحد ترك ايدي...

وحكيت كمان.. بس تتعي ارمي همومك علي.. وحكيت قلبي رح يتحمل...

وع اول هم حملته انا.. قلبك ما تحمل يعوض..

حكيتلي بس توقعي رح اكون اول واحد ب ظهرك.. وقعت وكتر والسكاكين حولي... وما لقيتك سند..

حكيتلي اتعي رح اتعب معك..

وتعبت وما لقيتك معي.. خسرت وما لقيتك جمبي.. وقعت وما وقفني ع رجلي...

حكيتلي بس تضعفي انا قوتك.. وضعفت.. وانكسرت.. وتوجعت..

بدل ما تكون فرحتي.. كنت كسرتي وكسرة قلب ضعيف..

حكيتلي اذا تعبتني ميلي ع قلبي اذا كتفي ما كفاكي...

ميلت ع كتفك وما حملني...


كذاب ومليون...

أعان الله قلبا.. تظاهر بالقوة.. وهو أشد المكسورين..

شو حلوة ايامك.. وشو بشعة فراقك.. شو حلوة كرامتي.. وشو حلوة حركاتي..

وشو حلو بس تجرب غيري.. وتعرف وين كنت حاططتك..

شو حلو لما تندم من بعدي..



طرف نالك

الله لا يسامح احساسى..

بتعرف شو... فجأة انت شفتني كل شي بحياتك.. هيك فجأة ما بعرف ليش وعشان.. صرت تشوفني كل شي بحياتك.. بس تصدق شغلة.. لما كنا نحكي بالساعات.. كنت احس في شي ناقص.. انت ناقص.. كلامك ناقص.. كل شي كنت تحكيه ناقص.. كل شي فيه نقص.. حتى كلمة (اشتقتلك) تكون ناقصة.. كنت اكون مبسوطة ومرتاحة وبنفس الوقت شي من جواي يحكي...

(خليكي بعيدة عنه.. ترا حبك اله كله وجع ب وجع)..

كنت اكذب الشى الي جواي.. واتمسك فيك اكترو اكترو.. واحيانا بندم اني تمسكت فيك.. وبحبك.. في كل مرة اشوفك فيها.. احس انه في شي غلط.. ومع هيك اكذب احساسى واخونه.. واحس انه في شي جواك.. احس جواك شخص ثاني وثالث..

شخص كسر ضلوعك.. كسر ثقتك.. ب كل الي حوالياك.. حتى مع حالك.. للاسف ما كنت عارفة ولا كنت حاسة انك تعاملني ك حبة مخدر.. او ابرة مسكن.. كل ما تشتاق.. بتاخذ جرعة مني وبتغيب.. وكنت انت عارف انه الي رح اطبطب عليك.. واحن عليك..

طرف ثالث

يا عمي روح....

بتعرف شغلة... عندي احساس انه انت صرت تتحداني وبس... يعني بالعربي... (بعمل الي براسي وحر كمان)... دايمًا شايف حالك صح وبالاخص عندي انا.. بديش احكي برستييجك ما بيسمحللك تشوف حالك غلطان.. لأ.. بدي احكي السبب تقلب مزاجك ونفسيته.. الاعتراف انه انت غلطان عندك عيب وحرام.. او بنزل قيمتك قدامي.. يعني ضعف.. عادي عندك نترك.. بس اهم شي تكون انت الصح..

ومين قلق انه لو اعترفت ب ذنبك رح ينقص من عمرك..

اعترافك وان تنازلت يعني انت عم بتحافظ على يلي بينا.

واصرارك على الغلط.. رح يخليك تنزل من عيني... والك كامل حرية انك تختار...

اذا اصررت على موقفك او بالاحرى بلغتنا.. (كسرت عيني)..

مش رح احبك على فكرة ولا رح يزيد من حبي الك.. بس بتعرف.. انا بعرف انك بتحبني.. ومتأكدة فوقها..

بس وصلت معاك لمرحلة.. انا بحبك واموت فيك..

بس عندي احساس من جواي بحكي لي مش رح اكون معاك مبسوطه..

يا عمي روح...

طرف نالك

بتعرف شو الفرق؟؟

انه انا.. ما بوثق انه انت بتشتاقلي.. لكن انت بتوثق انه انا بشتاقلك بكل لحظة..

واكثر من اي شي.. ضامن ومتأكد.. انه انا عندي استعداد اراضيك ب اي طريقة.. نفسي ولو مرة
تفقدني مثل ما انا افقدك.. لما انت بتغيب عني او ما بتسأل... نفسي ولو مرة تمسك تلفونك وتفقد
وتشوف اذا رنيت عليك او بعنت مسج..

اخرهمك لو اعطيتك مكاملة فائتة.. يا أخي نفسي مرة عنجد احس انه الشي انت شايفه صح.. تيجي
تحكي هاد غلط او غباء الي بتعملية.. نفسير اصير مثلك اطنش..

وما اهتم ب شي.. نفسي اوصل ل برودة اعصابك الي عندك اياها... ولو مرة وحدة..

يا اخي خلينا نجرب.. وبعدها الوضع يرجع زي ما كنا.. للنظام الطبيعي.. انا انجن عليك وقت ما تغيب..
وقت ما تختفي.. نفسي اصيرزيك مش مهتم ل شي بالدنيا.. نفسي اوصل ل مبدأك الي انت عايش
عليه.. خلينا نبدل الادوار.. واخذ مكانك.. وتاخذ مكاني.. نفسي احس ب اشتياقك الي ولو مرة...!!

الي بعده... ترا فرطت روجي

طرف ثالث

الفقد...

خليهم يتعودوا على غيابك.. وانت عود حالك على غيابهم.. ما تتعلق ب احد..

تعلق ب حالك انت.. ما تعتمد على اي شخص عشان تضحك.. ومش لازم يكونوا معاك.. عشان تحس حالك عم تتنفس.. مو لازم يكونوا معاك عشان تنجح..

مو لازم يكونوا لك عشان تكون مبسوط.. خلي عندك من يوم وطالع اشئ اسمه..

(لو غابو عادي).. يعني تكون محضر حالك نفسيا.. انه ممكن يوم من الايام..

تصحى.. وهم تاركينك.. وغايبين عنك.. على فكرة في ناس عندها مرض اسمه

(اركض وراي و خليك ميت علي).. يعني بغيب.. وانت دور عليه و افقده..

خليك مكانك وما بغيب.. وانت دور علي و افقدني.. خليك مكانك وما تتحرك.. وما تلحق حد.. الي بدو

اياك رح يلاقيك.. واتجه عكس ممشاهم و حركتهم و غيب...!!

طرف نالك

تعبان!!!

انت السبب.. انت اهتميت زيادة.. انت حبيت زيادة..

انت اعطيت زيادة.. انت وفيت زيادة.. كان كل شي عندك بزيادة ونص..

يعني اهديت.. اهديت الي بقلبك.. الي ب روحك.. واهديتهم راحتك وراحة بالك.. لحد ما شافو حالهم عليك.. شافو للحظة انهم الاكسجين تبعك.. انه النفس تبعك.. يوم ما عرفو مكانتهم عندك.. وقيمتهم عندك.. صار عندهم الاهمال عادي.. صارو يشوفهم حالهم عليك.. حسو للحظة انهم الاكسجين تبعك..

انهم النفس تبعك.. باليوم الي عرفو مكانتهم عندك وقيمتهم عندك..

صار عندهم عادي الاهمال.. صارو يشوفو حالهم عليك.. لانه عارفين انه انت مستحيل تتركهم... ولانهم عارفين ردة فعلك عليهم كلها رضا.. وانه انت ضايح فيهم.. تخيل كل هاد الي حطيت حالك انت فيه.. انت السبب..

تخيل معي لو مرة اعطيتم دورك... لو انك اهملتهم.. وانك تجاهلتهم.. وانك مشيت ورميتهم ورا ظهرك.. ولو انك مشيت ورميتهم ورا ظهرك...

ولو انك توقفت عن كلمة (بحبك).. وعن كل كلمة حلوة قلتها كل يوم وكل دقيقة..

تخيل بس لو انك عملت هيك.. وانا متأكدة لو عملت هيك مرة وحدة.. رح تحس حالك... مبسوط.. ومرتاح اكثر...

بتحاول ترتاح...

بتكون قاعد بمكان (قهوة-مطعم-جيم-منتجع)..

ترتاح شوي من ضغوطات الحياة.. وعن اي حد.. ممكن يعكرمزاج قلبك وعقلك وروحك...

وهيك فجأة من دون سابق انذار.. حركة.. موقف.. اغنية.. تصرف..

برجعك مليون خطوة ل ورا.. لانه وراها ذكريات....

ما قدرت اكمل.. او حتى اكتب.. وقفت كل حروفي..

لانه وصلت لمرحلة ما ضل فيها كلام عتاب..

الي مریت فيه هون وبهاد المكان عبارة عن خيبة امل بين الاهل...

وان شاء الله ما حد بدوق خيبة الامل يلي عشتها.. وكيف طلعت منها....

وقفت عتاب ب يوم

انا بحاجة اشوف وين انا...

طرف ثالث

شي مختلف...

الكل بتحداك.. وبتبعدك عن الشخص المناسب.. بس مش هون المشكلة..

المشكلة انه هاد الشخص رح يضل عايش فيك.. ولا رح يتركك.. حتى لو اجمي...

مكانه الف شخص.. واحسن منه ب مليون مرة.. بتحس انه هاد الشخص اله شي مميز.. ممم...شي مختلف... او بالاحرى اله جوه الخاص...

وعندك كلام وحي ما بطلع الا لما تكون معاه.. بتلاقي حالك عم تتنازل عن قلبك وعقلك في كل مرة تكون فيها معاه.. بس مع غيره انت كلك ع بعضك عقل وقلب... هالشخص رح يبقى مثل كريات الدم في جسمك.... ورح يكون خلايا عقلك..

يمشي فيك مثل شريان الوتين.. فيك تلاقي شخص غيره و الف كمان..

وممكن تلاقي شخص مناسب كمان.. والاحسن...

لكن هالشخص الي انا بحكي عنه وانت بتحكي عنه..

رح يضل الاول ب قلبك وعقلك.. ورح ضلك تحكي مع حالك كل ما تشتاقله وتقول.. قد رحمة الله ع عبادة اشتقتله...

شي مختلف عن المؤلف....

اثقل على الثقيل...

انا بعطي اهتمام زايد لناس.. ما بستاهلو.. وبحس اه ما بدهم يكملوا معي ل اخر الطريق..

مثلا انا... اكبر مثال.. اعطيت اهتمام لشخص.. بس حس انا مستحيل اهمله.. ما عاد يهتم زي اول.. حسيت انه بلشت اخسر كرامتي.. اثقل عليه رح يخلصك.. ف اذا بلشت تحس انه هيك رح يصير او صار.. انسحب ب كل قوة.. انسحب و خليك متمسك بكرامتك.. وعادي عامله زي ما بعاملك.. او احكيك شي.. خلص وقف.. بطل اسأل عنه.. بطل اهتم.. بطل شوفه كل شي بحياتك.. ما هي الحياة مش واقفة عليه ولا على اشكاله.. حياتنا و ارواحنا اغلى من انه نعطيها ل اشخاص مش مقدرين وجودنا.. حتى ذكرياتنا بحاجة ل اشخاص.. احسن نتذكرها.. وقلوبنا تستاهل ناس احسن نحبها.. وعقولنا بدها ناس احسن نشغل تفكيرنا عشائهم... هيك صار الحياة

بتحس حالك بتفرض حالك ع ناس ما بستاهلو ولا مقدرين.. اصحى من الي انت فيه...

ووقف ب الي بتعمله... و حارب عشان حالك.. وكون سند الك لحالك.. انت مش بحاجتهم..

ولا بدك اياهم.. لانه انت عم تحرق قلبك ع ناس.. انت لو تصحى ع حالك.. رح تعرف قيمة حالك... قبل قيمتهم..

اعرف كيف تختار.. اعرف كيف بدك تحافظ على الشخص المطلوب...

و اوعك تزعل ع شي راح... وبس والله

قرار..

اي شخص بهاي الدنيا لازم يجي يوم من الايام ويقولك بكفي.. بس انت لازم تحكي لحالك

ما تزعل.. والمفروض ما تزعل على اي شي.. وكمان لازم تحكي مو لازم يكونو بحياتك

عشان اكون مبسوط.. او عشان هداك الشخص ما اعطاك اهتمام.. والتقدير..

عشان هداك ما اهداني كلام حلو.. انت لازم المفروض تهتم ب حالك وتقدرها..

انت المفروض توقف قدام مراي وتحكي لحالك كلام حلو.. انت لازم تهدي نفسك.. ترا الكل يحاول

يسعد نفسه بنفسه.. ((بنفسه)).. اذا هيك الناس عم تعمل اصلا.. ليش ما انت تعمل نفس الناس

واذا هاد صار اصلا طبع الناس.. ليش ما تكون زي الناس واحسن من الناس.. وتعيش حياتك من غير

اي قيود.. من غير اي مبررات.. من غير اي شي.. عيش لحظة مجنون.. ليش انت بتنزل من نفسك عشان

رضى هداك... وهداك ما بنزل من نفسه عشان رضاك.. ما تقبل تكون ذليل هداك.. ما تقبل تخدش

حالك خدش ابرة.. ف ما بالك!! لو كلمة بتجرحك وبتجرح امالك واحلامك.. وحتى تجرح نفسك..

مش مجبور يوم من الايام تلتزم الصمت.. الابحالة وحدة.. اذا حسيت انه هداك ما بستاهل تضحي

عشانه.. ومش مقدر مين انت بحياته..

او تعطي اكبر من حجمه.. في هذه الحالة...

امشي و اتركه وراك لو شو ما كان الثمن... قراري انا اولاءم الناس

هاد القرار مشيت عليه بعد فشل 5 مرات ب حياتي

كلام مبعثر...

جواتك مليون شخصية ب شخصية وحدة... لا انت يمين ولا انت شمال.. لا انت فوق ولا تحت..

لا انت ابيض ولا اسود.. لا انت بالسما ولا بالارض.. كل هاد تحت مسمى وتأثير..

(مشاعر مبعثرة).. انه تعيش ب اكثر من شخصية و اكثر من احساس.. وانه تكتب و انت مش عارف شو

مشاعرك.. او تحاول توصل احساسك لكلماتك.. حتى الكلمات ما تصون حروفك..

وتحاول تكتب وتكتب و انت اصلا مش عارف لوين رح توصل.. اغلب الناس جواتها مليون مشاعر

وعبارات... وفي ناس عايشة صراع داخلي مع مشاعر مبعثرة.. حتى لو فكرت تعبر.. سطورك مش رح

تعطيك حقل.. مش عشان بدها هيك.. عشان بدها تصحيك من الي انت فيه.. انت عايش صراع مع

وجع.. مع حب مع مشاكل.. مع هموم ومع هيك مش قادر

توصل كلامك... انت عايش مع مشاعر مش الك.. مع كلمات مش الك.. كل المشاعر والاحساس الي

اعطيتو ل اشخاص ما بستاهلو.. انت هلا واصل ل مرحلة مش عارف وين ترمي حالك لتصحى.. انت

غرقان فيهم.. غرقان لدرجة انه انت شايف الخيانة ب عينك

وساكت وبتحب.. هاي مشاعر مبعثرة.. مش قادر تصحى من المخدر.. ولا قادر تاخذ جرعة زيادة.. بدك

تكون صاحي ومش صاحي...

كلام مبعثر!!!

أقسم الناس...

الي كان معك وقت تحتاجه هو بس الي بيستاهل يكون معك ل اخر الطريق..

وبلزمك وقت فرحك.. مش الي تركك ب نص الطريق.. ومش اجي ب لحظة حزنك اخرشي... موالي كان سبب ب تعاستك او وجعك... بعيد عن انه انت سامحته كثير..

وبعيد عن الي بكون تبريره وراها كذبة.. الي بيوقف معك ب لحظة ضعفك.. او لحظة انه اكلت الف كف.. وبعيد انه صعب يجيك مش فاضي..

وبعيد انه معجوق بخيانتة.. هدول كلهم حطهم ع جمب ما بلزموك.. انت لازمك داعم قوي..

لازم وقفة بوقت الوجع.. لازمك كتف يطبطب عليك.. وقت ما تحس انه كل الدنيا ضدك..

لازم كتف يحن عليك وقت ما تحس انه كل الكون داق عليك... لما تحس انه الدنيا مش واسعتك. روح عند الشخص الي رح يتحملك ب كل شي.. الي رح يسمعك وينصحك

الي رح تحسه عنجد جزء منك.. وقف بالنص واقسم الناس نصين..

ناس ساعدتك ولقيتها وقت الزنقة.. وناس تخلت عنك على اول مفترق طريق الك..

رح تلاقي ناس كتير تخلت عنك.. وشخص واحد لقيته كل مرة كنت انت محتاج ل حد..

رح تلاقي ناس كتير كانت سبب في تعاستك ووجعك.. وشخص واحد رح تلاقي

كان سبب فرحتك وابتسامتك.. وهذا الشخص الي لقيته كل مرة..

بصراحة بصراحة..

هو الي ما بدو منك شي... غير انك تكون موازي حياتك!!!

رح تندم...

رح تندم ... ليش؟؟ لانه احنا عارفين انه لما نتمسك ب شي.. رح يكسرنا... رح يضرنا..

بس بنضل متمسكين فيها.. ليش؟؟؟ لانه بنحجها.. ترا.. بلاد ربك واسعة.. ما حد يعني ما حد رح يحس

بوجعك.. الابس الي ضل معك ع كل شي..اما الباقي.. طيب تمام..

رح يوقفو معك.. بس وقت الفرح.. ووقت ما يشوفك عم تضحك.. ومبسوط..

على فكرة الوقت عم بمشي.. ورح يضل يمشي..

ورح تعرف وتحس ل قدام.. انه الناس الي انت مفكرها معك او الي حوليك كتار.. ما رح يفيدوك وقت

زعلك.. هذه الحياة عايشينها مرة وحدة... ليش نعيشها ب تعب ووجع..

ليش ما نعيشها بروح حلوة.. ونستقبل كل شي بروح رياضية.. لانه بعد ما تشيخ وتكبر..

رح تضحك ع ايام تتمنى ما صارت ب حياتك.. حاول تبعد عن كل شي بضر نفسيتك..

حتى لو كنت انت متعلق فيه.. وقرب الاشياء الي بتخليك مبسوط وعايشها صح..

لانه ضحككك بتسوى كل شخص حاول يدمرها.. وحاول يكسر قلبك...

ليش؟؟؟؟....

حبر على ورق....

كان في وعود بينا.. ويمكن نسي شو هي الوعود.. مش كل مين قلق بوعدك معناها قد الوعد..

مش مين ما قلق اطمئن انا معك.. معناها رح يضل معك.. مش مين ما قلق هيبي موجود

وقت ما بدك ابعث.. مش معناها رح يرد ع طول.. مش مين ما قلق انا بحاجتك رح تلاقي معاك..

اغلبه كله حبر على ورق على ورق.. وكلام بنتسى مع الوقت.. اذا انت مش قد وعدك..

ليش روحت؟؟؟ ليش تحكي انك معها وعلى اول مطب بتتركها...

ليش تقول ما بتخلي لوع قطع رقبتك.. وعلى اول موقف بتنسحب.. ليش تطلب منها

(مش رح تتركيني).. وانت تركتها.. ليش خليتها تطلع لسابع سما ب كلامك..

وانت اصلا من الاساس رامها ب سابع ارض.. مش مين ما قلق عمري ما ازعلك

معناها مش رح يزعلك.. ترا لو حكيت كلمة ما تعجبه رح يزعلك اضعاف اضعاف..

عمره الانسان ما كان قوي بلسانه الوسخ..

وعمره ما كان الانسان نظيف ب قلبه..

وعمره ما كان الانسان شخصية بكلام الكذب..

ترا احيانا عارفين وفاهمين كذباتك بس ساكتين ب كيفنا..

ومطنشين براحتنا...

حبر على ورق..

شو قصتك؟؟

رح ضلك هيك؟؟ ما بدك حد؟؟ ل وين رح توصلي؟؟

لهاي الدرجة ما فيكي حيل؟؟

بالله قومي ع حيلك.. وك ليش صاير هيك شكلك.. وين روحك؟؟؟

وين ايام ما كنتي تضحكي الضحكة.. وصوت ضحكتك تملي الحارة..

وين اللي كان الناس بس تلمحها تضحك لانه روحها حلوة وضحكتة ساحرة الكل؟؟؟

وين ايام ما كانوا الناس ياخدو منك طاقة وفرح؟؟

جاوبي.. وين؟؟ وين؟؟

صوت صرخة روحك معببة الحارة... انطفت روحك.. صراخ قلبك ... عبي نار بالحارة ع فكرة....

لسا بحبوكي.. شو ما صار معك ... وعزلتك هاي.. واللحظات البشعة..

الي مريتي فيها.. وتعاستك... وعزلتك... ووجعك.. لسا بحبوكي..

لسا بحبوكي... ب وجعك.. ب ردك البارد.. ب روحك المطفية..

بكل شبر فيكي سيء.. لسا بتنحبي..

ب شعلتك وانطفائك.. ب ضحكتك وتعاستك..

ب جروحك.. ب كل شي بربطك ب هاي الحياة....

تنهيدة...

ومين فينا ما عندو وجع ب قلبه؟؟.. مين فينا ما عاش غصبة بقلبه... مين فينا ما عاش كسرة الخاطر؟؟؟

مين فينا ما دمر من حب طلع كذب.. مين فينا ما تراجع عن قراراته الف مرة؟؟....

مين فينا ما داق حب من طرف واحد... مين فينا كان مفكر انه ممكن يوم من الايام

نخسر حد بحياتنا.. او انه نفقده من حياتنا... لانها من البداية هي مش الك.. او مش مكتوبة الك..

بس بالمقابل بنتعوض ب شغلات أحسن منها.. ربنا بياخد منك شغلات.. وبيعطيك مكانها شغلات..

بلحظة احنا مش عارفين شي.. بلحظة بنوقف التفكير كله..

وقف مكانك.. صحصح.. ركز.. خلينا نجرب مرة نشوف..

الحياة الي عايشينها من منظور بعيد.. او نحاول نشوف.. بس متأكدة انه انت مش شايف..

او مصحصح.. لانه غرقان ومتيم ب مشاعرك.. الي اغلب وجع راسك منها..

كتر التفكير بالشعور شي مش حلو صراحة.. ووووو... الضيق الي ب قلبك..

او ازمة المشاعر.. والاشياء الي جواتك.. وقفها ب تنهيدة..

(الف الحمد لله).. واحكي.....

(اللهم اني وكلتك امري كله).. وربنا رح يعوضك ب كل شي راح منك وضاع..

حتى لو فقدته....

تنهيدة!!!!!!!

قرار او نصيب!!!

لحق حالك العمر مرة بتعيشه.. لحق حالك وشوف شو بطلع معك؟؟

يا الك يا مش الك.. ترا لو شوفنا الحياة من منظورتاني.. يمكن تكون حلوة..

وبنقدر احنا نحليها.. وبنقدر نعيشها مثل ما بدنا.. الحياة يمكن صعبة ويمكن سهلة

الفرص احنا بنصنعها... مش هي الي رح تصنعنا.. قصص النجاح..

احنا بنكتيها.. وقصص الفشل احنا بنكتيها.. وقصص الحب احنا بنصنعها وبنكتيها..

الحزن نصيب.. والفرح قرار.. وجود شخص ب حياتك نصيب.. والاحتفاظ به او الانفصال عنه قرار..

انت بتملك القرار.. بس انت ما بتملك النصيب.. كل شي موجود بحياتنا قرار.. وكل شي راح منا

نصيب...

كل شي بالحياة اما قرار او نصيب...

طرف ثالث

اهتمامك فيها واهتمامك ب ايسط التفاصيل...

انت و انتي متى ناويين تكبروا عقولكم... وتكبروا من حالكم شوي.. بكفي تصغروا من حالكم.. بمشاكلكم..
واهمالكم لبعض شوي.. صحصحوا من الي انتوفيه....

وتعرفوا انه كلمة (بحبك) مش رح تفتحك بيت.. ومش رح تعبي الفراغ الي عندك..

اذا انتو فعلا بدمكم بعض.. اشترتو بعض.. حنوع بعض.. مش كل يوم في كل يوم..

يمكن اليوم في.. ويمكن بكر ما في..

الحياة عيشها مرة وحدة.. بجنونها.. حن عليها.. الطف فيها.. كون كتف مساند الها..

حيها ب عيويها.. عنجد اذا بدك اياها.. وشايف كل شي فيها.. اشترتها..

لا تشترتها بس بكلمة (بحبك).. مش رح يشترك بيت الحب ولا رح يبني علاقة..

ولا رح يبنيك مستقبل.. حتى كلمة (بحبك) ما بتعملك قصة حب..

واذا اصلا هي حبتك.. مش رح تحبك على شكلك.. لانه اخرهمها المظاهر..

كل شي شاغل تفكيرها هو.. انك تتنازل كتير شغلات عشانها..

وعشان تكون مبسوط و اسعد واحد بالدنيا عشانها..

وانه تشوف ب عيونك انه انت عم تتعب عشانها..

لتقدر تعيش معاها باقي العمر.. وتشوفك مصحصح ومركز على كل تفصيل بسيط فيها..

وانك تروح تطلب ايدها من اهلها.. وتكون حلالك و الك لحالك.. انت هون ما حبيتها ولا عشقتها.. انت هون

شفت الدنيا فيها وبعيويها.. انت هون عايش عشان بس عشانها..

عايش عشان الها وبس.. عايش عشان الها لحالها..

انا معك...

انا معك.. هاي الكلمة كفييلة ب انه تخليك مطمئن انه ما بتركك.. انا معك.. ب روحي وقلبي معك.. انا معك.. لو الدنيا صارت جيش عليك.. انا معك.. لو الكون كله قلب عليك..

انا معك.. بحبي.. وحنيتي وعصبيتي.. انا معك.. ب كل لحظة بعيد انت عني..

انا معك.. لو انت مش معي.. انا معك.. ل اخر الطريق...

انا معك.. بكل طرفة عين.. انا معك ب كل نبضة قلب.. وشوف كم قلب موجود بالدنيا..

وعم بينبض.. انا معك لو الدنيا كلها تخلت.. انا معك لو الدنيا كلها خانت..

انا معك لو الدنيا كلها باعت.. انا معك.. لو كلي رضوض وكسر..

انا معك لو انت نسيت.. انا معك لو انت تخليت.. انا معك لحتى تقول انت

(انا اكتفيت).. انا معك لك نور على قلبك.. انا معك لو ظلك اختفى... انا معك وقت الالم..

ووقت الوجع.. انا معك وقت الضعف.. انا معك لحتى البس الابيض.. واكون تحت التراب..

وتقرأ على روحي الفاتحة..

كلام مبعثر...

طرف ثالث

نفسيات مريضة...

شفتي حالك بالمرآة.. شوفي حالك.. ولبسك.. كل شي اسود فيك..

حتى قلبك وروحك.. كل شي اسود.. كل من يحاول يساعدك بحترق منك..

ولا بقدر يساعد حاله منك.. هذا مرض.. ما في حب.. ودايما قاعدة بالعتمة..

هذا الكلام الي بسمعه دايما..

شوفي حالك.. بتلبسي اسود.. حياتك سوداء.. ساعدي حالك.. قبل ما تساعدي غيرك..

شوفي حالك.. قبل ما تشوفي غيرك.. راقبي حالك قبل ما تراقي غيرك..

وكل مرة بزيد.. بزيد الوجع.. بزيد القهر.. وبزيد كل شي بحرق الروح..

كلام بدمر النفسيات.. كلام بهبط المعنويات.. كله تحت مسمى..

(شوفي هديك وهداك كيف).. وشوفي حالك كيف.. تحت مسمى..

(هديك وهداك احسن منك).. وانتي لا.. بحب احكيك.. انت مش عايش مع هديك وهداك..

ولا عارف شو وضعهم.. ولا عارف شو العيشة الي عايشينها..

يمكن عايشين اسوء مني ومنك.. بس بضحكوا.. بس بحاولوا..

انا اذا حاولت رح يكسروا مجاديف محاولاتي..

كله تحت مسمى (نفسيات مريضة)...

صوت خافت....

بحكولي نفسية.. لأ.. انا مش هيك.. انا صرت هيك بسببكم انتو..

فيني وجع.. فيني كلام.. وفيني صرخة قهرو فيني بكاء طفل.. ما قدرت احكي..

وانطق شو بحس.. الا لحروفي.. وكلماتي.. ما قدرت انطق لحد شو فيني..

الا بس لسطوري.. يمكن هي فهمتني.. ويمكن ما فهمتني.. بس الي بعرفه

انه صرختي.. بس سمعتها حروفي وكلماتي.. وحس فيها بس سطوري..

الي كتبتة كلام من قلبي.. كلام ما قدرت احكي.. لانه كل ما احاول احكيه..

بنساه.. اغلب المسموع هاي الايام... (هاد تزوج وهاد طلق)..

(هاد صار عنده ولد وهاي صار عندها حفيد)..

هاد الي مسموع.. الي مش مسموع.. قهرو ولد على موت ابوه.. قهر بنت على الزواج غصب عنها.. ولسا ما

عاشت من عمرها شي.. الي مش مسموع كمان.. خيانة قلب ابيض صافي..

او تلعب ب مشاعر حب نقي.. هاد كله كوم..

وحب من طرف واحد كوم ثاني.. هاد جد جد.. حرب عشان ضلك عايش...

حرب لتخلي قلبك عايش ب سلام داخلي مع حاله..

والحرب الاكبر.. تشوفه مع غيرك.. بس مش مبسوط..

كله تحت تعريف (نفسيات مريضة)!!!

غرقان...

صرخة وجع.. صدمات بالقلب.. خوف من الارتباط.. علاقات مؤقتة.. وعود كاذبة

حب مش موجود.. حب من طرف واحد.. حب عايش على ماضي...

و حب بنبنى على علاقات كاذبة.. كذبة ورا كذبة.. وجع ورا وجع..

وقعت وما رح تلاقي حد يساعدك.. ما رح تلاقي حد يكون سند الك.. عايشين على بقايا الماضي.. عايشين

على مساوي الحياة.. عايشين على كلام بنطوى مع الايام..

جرح بتعافي بس مع الايام.. ماضي عالق فينا.. وبنحاول نهرب منه..

و بنحاول نعيش ايام لعل وعسى تمضي..

بتحاول تحب وما تجرح.. ومع هيك انت الي بتنجرح...

بتحاول تكون صادق مع حالك ومع الشخص الي بتحبه.. بتكتشف انه هو الي بيكذب..

ومع انه عنده فوبيا من الحب.. بتحس الدنيا بتجاكرفيك..

بتحس الدنيا عايشة عكس ممشاك.. ومع هيك.. بتخاف من اي شي يزعله..

وهو بزعلك.. وهو بجرحك.. لانه عايش ع ماضي.. وتارك الماضي يغرقه اكثر ما هو غرقان.....!!!!

غياب..

يلي غاب مرة عليك... ترا رح يغيب الف مرة... ويلي تعود انه يغيب كل مرة..

رح يرجع ويلاقيك ورح يضل يبعد ويغيب... ولما تحملت شغلات ما حد تحملها..

رح يحملك شغلات فوق طاقتك بكثير.. ويلي اعطيته قيمته واعطيته اكبر من حجمه..

ويلي ضحيت عشانه.. ويلي تعبت عشانه وسهرت الليل والنهار...

لحتي عيوني غرقت بالسواد.. ويلي تعود انه كل شي تعمله عشانه..

رح يتعود انه يرمي كل الحمل عليك.. لحتي تغرق ب اوراقك و اوجاعك وما يحس...

ويلي سلمته قلبك.. رح يحمله مشاعر زائدة و غياب زايد...

ويلي اعطيته اكبر من حجمه... رح يشوف حاله عليك انت اول واحد...

وبس والله... يلي بعده

طرف ثالث

نصيحة مخددة...

كنصيحة مخددة مني الك.. يمكن يتغير كل شي ب ثانية وحدة.. و اقل من الثانية..

وفي وقت من الاوقات.. مش رح تخلي اي شخص بنقص من قدرك يضل ب حياتك...

ورح تبطل تجامل حد.. ورح تبعد لحالك.. بس تحس انك تعبت وانه خلص اكتفيت..

رح تصير انك تعبت وانه خلص اكتفيت.. رح تصير تحط الف خط رجعة ورح تحسها صح.. و انت الي رح

تختار مين يضل.. ومين الي تبعد عنه.. رح تحسها انه خلص ما عاد يكون اشخاص خطأ ب حياتك..

ومش رح تسمح ل اي حد يأذيك..

ورح تحكي انه (زمن التحمل) راح.. ورح تكتشف انك كنت شاغل حالك في اشياء ما بتستاهل.. ومعطي

اشخاص اهمية اكثر من اللازم.. وانك كنت تفكر ب امور كان من اللازم انك تتجاوزها.. لانه هي هاي

الامور ما ضافت على حياتك غير التعب...

نصيحة.....

طرف نالك

حلم على غفلة...

رسالة قبل الرحيل.. ومشاعر سجلت على اوراق.. كتبت فيها كلام لم استطع قوله عندما رأيتك..
(عزيزي..حبيبي..عمري) ارى فيك ما لم اراه في غيرك.. رأيت ب عينيك مسكني..

رأيت في كلماتك و حروفك مأمني.. رأيت في ضحكتك حياتي.. رأيت فيك الحياة والامل..

رأيت انك لست اي شخص عبر في حياتي.. انت أعلى من ان تعد وان تحصي..

انت اثمن ان تكون مجرد شخص على الارض.. وثقت بك لأنك أظهر مخلوق رآته عيناى..

اعجبت بك في المرة الأولى التي رأيتك بها.. كانت ثواني محدودة..

ولكن كان وراء تلك النظرات عمر.. وكان أجمل ما رأيتته في حياتي..

صدفة جمعتنا.. وأخبرتنا الحياة انه هناك شيء جميل... ولم يكن يومي ينتهي الا وانت معي..

كلام وراء كلام.. ولم يكن ينتهي الكلام.. جزء مني كان يتعافى على حبك..

و جزء مني تعافى على روحك.. في أول لقاء.. احببتك اكثر مما تتصور.. وزرعتك انت وحبك في قلبي.. و

ازهرت فيه جمال لا يوصف.. حبك لم ينقص يوما ولن ينقص..

رأيت فيك جمال الروح والقلب.. وكان عقلي مخدرا عن عيوبك.. احببتك وانا على يقين أن خلف حبك

تأثير على قلبي.. ختمت على قلبي واصبح لك دون ان اشعر

لليوم أشعر أنك حولي ولا أراك.. بعدك عني لم ينقص من حي لك شيئا..

رأيت عيوبك وتغاضيت عنها.. لانك اجمل من ان ترى بالعيوب..

رأيت جمالك ولا ارى غيرك.. احببتك وانت تدري وأنت لا تدري..

أحببتك وانت قريب وانت بعيد.. أحببتك في حضورك وفي غيابك..

أحببتك دون تفكير.. وتسرعت في حبك.. هي ايام.. وبدأت بالتعلق بك.. وما اجمل ذاك الشعور..
عندما أخبرتني انك لك.. هنا رقص قلبي حبا.. وكأسا من العشق العتيق شرب.. وعندما قلت لي بأني
روحك وعمرك... قلبي لم يستطع الوصول للفرحة.. بل تعدى ما وصل الفرح.. أحببتك اكثر واكثر.. و
انا على يقين انك ما زلت تتعافى من اوجاعك..

وكل هذا في عدة ايام..

طرف ثالث

لي فقط...

أحببت أن اخبرك مدى حاجتي اليك.. وأخبرتك أيضا اني لن أكون الا لك.. روحي.. عمري..

يا كل دنيتي.. وجدتك ب كل شي.. وتغاضيت عن كل شيء.. وأنت الذي أتيت بعد صبر طويل..

وأتيت بعد رجاء عميق مع الله.. وأتيت بعد صلواتي ودعائي.. وما أجملك بعد الدعاء..

قد أكون لك وقد لا أكون.. وخوفي الأكبر أن لا أكون.. أنت من جعلتني أقف على قدمي...

أنت زرعت بداخلي أمل بعد معاناة من اليأس.. أنت أتيت على هيئة حبات مطر بعد جفاف العمر..

كل ما أريده الان أن تكون مرتاح البال ومطمئن القلب.. أنت ملكي انا فقط.. ولا أريد أي شخص العبث

ب ممتلكاتي.. أنت جزء مني أنا فقط ولا أريد اي شخص رؤية الجزء المفضل في قلبي..

انت ل عيوني أنا.. ل نفسي أنا.. ل قلبي أنا.. ل روحي أنا.. ل حضني.. ل كلماتي أنا..

ل سطورتي أنا.. ل روايتي أنا.. ل كوكبي أنا.. ل دنيتي أنا.. ل عالمي أنا..

لي أنا فقط....

طرف ثالث

فيك أنت..

قلبي مليء بالكلمات والروايات... لا أستطيع بوحها ولا يمكن كتابتها... أجمل اللحظات تحفظ بالقلب..
وأجمل الايام تبني بالذاكرة.. وأجمل الكلمات والحروف تبقى محفورة في الروح.. أكتب وأكتب وقصتي
ليس لها نهاية.. عندما أحببتك أيقنت أن للحب وجود.. عندما عشقتك أيقنت أن الذي بين ضلوعي هو
أنت.. ينبض فيك أنت.. بحثت وصبرت وأخيراً وجدت..

وجدتك أنت.. وجدت فيك ما لم أجده في احد.. في صمتك.. في خوفك.. في ضعفك.. في حبك..

في ضحكك.. في غيرتك.. في صراخك.. في قلبك.. في حضنك.. في تساؤلاتك.. في كلماتك..

في شوقك.. في عيونك.. في نبضك.. في روحك.. صدقني.. (فيك انت)..

وجدت فيك اشياء تمنيت لو حصلت لي من سنين.... في داخلي كلام أريد أن ابوح به..

لكن عندما ارى السعادة تغمرك...

أنسى حروفي وأبقى صامتة....

هل هذا هو الحب؟؟؟؟

طرف ثالث

الى ان نلتقي....

يأتي يوم اخر مليء بالوجع.. والدموع.. كم اشتقت لصوتك.. وكم أتمنى ان المحك امامي..

كم أشعر بوجع لا يعلم به الا الله.. يا وجع قلبي.. ويا نار تحترق بداخلي..

تريد انهاءها.. انهاءها.. تريد البعد ابتعد.. لكن ان تتركني وتفارقني.. أين اذهب من الموت أنا..

وكل روح يكفيها ما تحمل.. أتألم و أنا قلبي لا يتحمل ما حصل له...

يريد التوقف.. يريد الاستمرار.. لكن هناك قلب يستمر دون نبض...

يغمرني التعب.. يغمرني الوجع.. أعيش الان بلا روح.. أعيش بلا نبض فعندما ذهبت أنت

فقدت نبضي وروحي.. أينما اذهب أراك.. وعندما افقد انفاسي.. قلبي يتوقف عن النبض..

أشعر ان هذه هي النهاية.. قصة حب خلقت من العدم.. عشنا حب ليس له مثل..

* (وامانة برقبتك على لسانك ضل اذكريني)*

حين ذاك الحين....

الى أن نلتقي....

طرف ثالث

بين الماضي والحب...

كان شاغفا لحيها.. كان خائف من ان يخسرها..

فقد كان ذوقه رفيع عندما اختارها.. وذوقه رفيع عندما أحبها وأحبتة.. قد شغفها حبا...

لكن هذا الحب لم يدوم وفجأة... بووووم..

ذهب.. رحل.. هجر.. وترك في قلبها... شعور للان لا تستطيع وصفه... حان الفراق.. وحانت ساعة
النهاية..

قلبان افترقا.. قلب ما زال يحلم بالامل.. وقلب انقطع عنه الامل.. قلب محطم الفؤاد وقلب مكسور
على أمل

انه سينسى.. رواية بدأت بالحب وانتهت بالفراق.. شخص جمعهما وشخص فرقهما...

ذكريات لا تحصى.. رائحة عطر لن تنسى.. قلب محصور بين الماضي والحب.. وما زال هناك شغف في
قلبيها.. تحطمت الامل.. على امل ان يعود.. اكتب وسطوري ملاًها الحزن والدموع..

متساءلة!!!!

هل كل شيء انتهى؟؟ وما زالت تبني أحلامها على لمعة الامل التي يحملها قلبها...

رسالة ليس لها معنى...

نعم اشكر الله مليون مرة أي قابلتك.. الف الحمد لله.. أحبك ب كل شيء.. لا بأس أنا اقبل اي ردة فعل..
أظن اني قلت لك الف مرة من قبل.. ضحككتك تحيييني.. واني احب يديك الدافئة.. وعروقك البارزة
الفاتنة..

وشعرك البني.. واناقتك وحركات يديك.. و انت تتكلم .. وتتلعثم.. واحب منك كيف تقول (تمام، حلو)..
وأحبك عندما تقول ... (بحبك).. وضعفك و حزنك.. وصوت ضحككتك.. وصوتك..
أحبك بكل تفصيل.. الذي لا تنتبه له.. أنت جزء مني لا استطيع التخلي عنك...

ستبقى امنيتي وحلمي الوحيد.. واحمد الله الف مرة لانه اهداني مثلك.. احبك بكل ما اوتيت من حب..
واعلم انك تحبني وتحبني ب اسلوب حب التملك..

صدقني يا أجمل أمانة من الله.. حلم من الاحلام لا يحكى ولا يفسر...

وبس والله...

طرف ثالث

معادلة عادلة..

ماض مؤلم.. روح مكفوتة من الوجد.. قلب ذاق ألم الفراق بجميع أشكاله.. وتقول يا رب..

ما فكرت اكره حد.. ولا حملت ب قلبي على حد كسرلي اياه او خانه...

بس بنفس الوقت.. اي شخص لعب بمشاعري و ضحك علي واستغلي..

و ضل عندي زي ما هو.. كل واحد حظيته حسب معاملته وموقفه واسلوبه..

وحسب اذا لقيته وقت الفرح ووقت الزعل.. والاهم من هيك.. صار شغلي بس احدد رتبة الناس واتسلى

و انا برتب فيهم.. يعني... القريب مش لازم يضل قريب.. ومش لازم يضل جمبي.. والبعيد.. مش لازم يضل

بعيد هيك.. معادلة سهلة وكتير كتير بسيطة...

مثلا.. (2=1+1).. بسيطة صح؟؟ ابسطها اكثر بلغتي.. الي قدرواهتم رح يكون ب اولوياتي..

والي ما قدر.. ما يستنى ياخذ منها 1%.. يعني بتكون مكانتك عندي وبتصيرل شي ثاني..

يعني ما بدها اثنين يحكوا فيها.. بدك تبعد ابعد.. وبدك تروح روح...

وبدك ايانى رح تلاقيني.. بس كون انسان يستاهل.. يستاهل اضحى عشانه.. يستاهل احارب عشانه..

ابسط من هيك ما في.. واعدل من هيك ما بتلاقي.. ورح ابسطلك اياها اكثر..

خليك جميل معي في كل شي.. ب صداقتك.. ب حبك.. ب اخلاقك.. ب تعاملك.. حتى ب غيابك..

حتى لو بعدت وروحت.. خليك في بعدك جميل.. معادلة عادلة

خاطر مجبور..

مممم.. محتارة شو اكتب.. ممم.. بس حابة اكتب رسالة.. رسالة يمكن الهيا قيمة.. ويمكن ما الهيا..

الرسالة هاي لك انت.. انت وبس.. و اقرأ وكأنها اخر رسالة مني لك واحتفظ فيها..

احكيك شي... شايف ابتسامتك هاي.. اه هاي.. هلا الي وانت عم تقرأ ابتسمتها..

امانة لا تخفيها مهما غدرت فيك الايام.. وشايف عيونك... اه عيونك الي انا بحيمهم..

امانة لا تخلي حد يبكيهم.. وامانة عليك.. لو شو ما عملت فيك الدنيا.. شو ما عملت لا تدايق

ولا تزعل.. اتذكر ايامنا الحلوة بس.. وامانة عليك خليك دايم بتضحك.. مش لابق عليك الزعل..

وشايف قلبك.. قلبك الحنون.. خلي مثل ما هو.. مش مستاهل تغيره عشان ماضي اسود.. او خيبة

امل.. ترا حبيتك عشان قلبك.. وشايف روحك.. اه روحك الي انا كنت روحك

لا تنساها.. بس اتذكر انه هاي الروح الي انت امنت عليها.. وما تخلت عنك.. اتذكر انه انا كانت نكدة بس

وفية.. اتذكر انه انا مشكلجية بس حنونة.. لا تتذكر مساوئي.. اتذكر حسناتي قبل سيئاتي.. اتذكر انه

دخلت على حياتك لتصير احسن.. واتذكر انه انا ما جيت بالوقت الغلط...

مثل ما انت حكيت.. جيت بوقت لازم قلبك ينجبر خاطره.. واتذكر دعوتك الي...

(الله يجبرب خاطرک مثل ما جبرتي خاطري)...

رسالة مع خاطر مجبور...

هذا الشخص...

أحيانا البعد هو الحل.. وأحيانا البعد صبح يكون حرقة قلب.. بس بضل أهون من الخيانة وكسرة
الخاطر.. صحيح هاي الفترة عم بنعيش وجع.. كذب.. خيبة امل.. مشاعر مش واضحة..

بس عنجد احيانا البعد هو الحل.. الحل كمان انه تختفي وتقعّد مع حالك.. لتشوف وين صرت بعد ما
عشت كذبة.. الحل كمان ما تفقد الامل انه ممكن يوم من الايام تصحى وتلاقي حد مميز ب حياتك.. حد
وقفك ع رجليك.. حد قواك و خلاك احسن.. حد وقف معك خطوة ب خطوة..

حد ساعدك لتصير احسن واحسن.. حد بلش معك من الصفر.. وهاد الشخص وعدك انه ما يأذيك
وما يخونك... ونفس هاد الشخص وعدك ما يتركك بنص الطريق.. ونفس هاد الشخص وعدك ما
يتركك بنص الطريق.. ونفس هاد الشخص بلش علاقته معك بصداقة وحبك من دون ما يفكر.. ونفسه
هاد الشخص كان معك ع المرة قبل الحلوة.. ونفس هاد الشخص الي لهاي اللحظة هاد الشخص ما
استغنى عنك.. ببعدهك عنه.. واهمالك فيه.. حتى بتغير اسلوبك معاه..

هاد الشخص هو نفسه الي وعدك ما يتخلى عنك.. لو شو ما صار.. هاد الشخص هو نفسه هداك
الشخص الي انت اعتبرته روحك قبل ما يكون حياتك....

طرف ثالث

افهموها مثل ما بدكم...

انا ما بسامح اي شخص اذاني ولو مسامحتي اله رح ادخل الجنة...مش رح اسامح..

حاببين تعرفو ليش؟؟ جد جد بدكم تعرفو؟؟ عارفين ليش؟؟؟ اي شخص نزل دموعي..والاذى النفسي الي مریت فيه...

والجروحات والاثار الي بجسمي... واثار الكدمات ع جسمي..

والدموع الي بعد صلاة الفجر..والصراخ الي كان بس تسمعه مخدتي...

مين رح يعوض الايام الي قضيتها كرهانة الكل حتى حالي..

كرهت حالي لدرجة رميت كل حلم من احلامي ب الاراضي..

عشان بالآخر احكي الله يسامحك؟؟؟؟

من كل قلب قلبي..الله لا يسامح اي شخص كان السبب ب دموعي...

ولا يسامح ب اي شخص استهان ب كلمة بحبك...

ولا يسامح اي شخص كانت مشاعري بين ايديه لعبة...

المسامحة مش موجودة ب قاموسي ولا حتى ب قلبي...

انا ما حقدت..بس رفعت من قيمة نفسي...

وخليت ربي كفيل فيكم...وياخذ حقي من بين عيونكم...ما في اي مرض ولا حتى قعدة سرير

بالمستشفى...ولا حتى موت...مممكن يخليني ارجع عن قراري الكم..

الحساب عند ربنا.....

نقطة ونهاية السطر...

ما في انسان يقدر يمسح جزء من حياته..سواء أكان تأثيره عليه سلبي او ايجابي..

حلو او مر..او حتى لحظة مرت عليه وكسرتة..متأكد انها رح تنحفر ب قلبه..

لما يوصل معك انه تحس قلبك الي ببكي مش عيونك هاي مصيبة..

لما تعرف انه الشخص الي بتحبه عم بتهرب منك..اختصرها انت..وابعد..

دموع قلبك اغلى منه..قهر عيونك اغلى منه...لما تشوف الكذب بعيونك..ووضل ساكت..

عشان ما تخسر هداك الي بتحبه..يا عمي اخسره..

ولا تخسر ثقتك بالحب..

حبيته انت صح؟؟؟ الحق عليك انه اعطيته قيمة اكبر منه..واعطيته حب واهتمام زيادة..

في ناس بشوفوا زعاج..وفي ناس بشوفه حلو..طيب؟؟

لمتى هاي الحال؟؟لمتى الكذب؟؟ ولمتى التصنع؟؟ ولمتى جرح المشاعر وقهر القلب

لمتى رح ضلك هيك عديم الاحساس والاهتمام!!

ما بدي جواب..لانه مش كثير مهتمة بجوابك..او بالاحرى بحجتك....

ترا تعودت على الحجة وعلى الكذب وبنقول يلا عادي..كذبة وبتهمون وبتمرق..

بس المشكلة انه انت ما بتحس ب شي..لو بتحس عم تعرف انه انت خسرت اشياء كثيرة ب حياتك و

الشي الاهم خسرتني أنا...وبحب اقولك يلا مع السلامة..انا ما بتعوض...

نقطة ونهاية السطر...

أسباب...

خليك طرف محايد ب الي بصير معك..خلي عقلك يدلك على الطريق الصح..وسيبك من قلبك شوي ..
وحطه ع جمب..وفكر منيح..واعقلها وتوكل..بستاهاهل؟؟حسيت انه ضحى عشانك؟؟

فكر فيك؟؟حس فيك؟؟حس ب دقات قلبك؟؟حس انه انت وقفت معاه على كل شي؟؟..

طيب!! تعال نحسيها من جهة ثانية...

أهملك؟؟بعد عنك ب ارادته؟؟مم..بطل يسأل زي أول؟؟تمام خليني اعطيك كمان مجال عشان تاخذ
قرار..شوف كم من الاهتمام أعطيته؟؟وكم حجة اعطاك؟؟شوف هوكم اعطاك من وقته؟؟واوزنها
صح ممم كمان ما اعطاك سبب مقنع انه تخلي عقلك يتحرك تمام..

حط مشاعرك وحبك اله ع جمب..شوف كم مرة استغل حبك..شوف كم مرة ضحى عشانك..

يمكن هيك اسباب مقنعة انه انت تمشي ب طريقكك وخلص..

يمكن هاي اسباب تخليك شوي تصحى ع حالك..واذا انت لسا غرقان فيه..

انا هون بسحب كل كلمة حكيتلك اياها..وربنا يكون معاك

اسباب!!!

طرف نالك

ذكريات...

أمسك أوراقى و الاقلام واحاول أن اجمع تلك الحروف..التي ساكتب لك بها..
فتضيع الحروف..التي ساكتب لك بها..فتضيع الحروف وتتوه دموعي على اعتاب اشواقى..

ولا اجد ما يسعفني..ينقذني..يريحني..فبماذا اكتب لك؟؟؟

الكتب لك بحزني..بألمي..بقهري..بدمعي..بأنيني..بكل وجع يسكنني؟؟

حقا لا اعرف سوى انى اود الكتابة اليك..لعل نظراتك لحروفي..تشعرنى بدفء احتاجه

وتمنحني سعادة اشعرها لمجرد احساسى بوجودك معي...

يا حبيبة ذكرياتي..ورفيقة ساعاتي وكل اوقاتي...لا اعرف من اين ساكتب لك رسالتى النازفة...أكتبها

على قالب ثلجي؟؟اخاف ان تذيبه حرارة دمعي وانا اكتب لك حروفي...

بل اخاف على كل شي من حرقة احساسى نحوك..ف لك وهبت احساسى نارها تحرقني..

ولا يطفىء نارها سواك....

بقلم :- ماهر منصور

طرف ثالث

ضيف في ذاكرتي..

مهـما عاشـرتـها..مهـما خاصـمتـها..مهـما صالـحتـها.. مهـما حضـنتـها..مهـما حفـظـتـها..ومـهـما جادـلتـه

لم اسـتـطـع يـوما فـهـمـها ولم اعـرف سـبباً لتـقلـبـها

ولـم أـجـد مـبرراً لتـصـرفـها ولم أعـرف سـبباً لتـمـردـها

فـكـلـما جـذبـتـني ابـتـسـامتـها..ابـعدـني عـنـها تـكـذـيـبـها..

وكـلـما شـعـرت بـحـنـانـها..وكـلـما شـعـرت بـدـفـئـها ..

تـقتـلـني بـعـدـها بـقسـوتـها..تـجـرحـني بـعـدـها بـبرودـها تصـعقـني بـعـدـها بـجـبروتـها..أي فتاة هذه التي

أحـبـبـتـها..كـنت اسـعى وأطـلب اهـتـمـامـها ولـكن دائـماً تصـدمـني بـتـجاهـلـها..قـريـبة مـني بـقلـبـها وعـقلـها..وتـارة

تـغـيب ولا يـبقـى سـوى طـيـفـها..كـم مـن يـوم نـمت مـسـروراً بـحـبـها..وكـم مـن يـوم لم أنـم مـن جـبروتـها..هل كان

حـلـما جـمـيلاً وـجـودـها..أم هو و اقـع مؤـلم فـقدانـها.. هل انا مـوجـود في قـلـبـها..ام انا مـجـرد ضـيـف في

ذاكـرتـها..لم اكن مـجـنـوناً بـحـب احـد مـثـلـها..ولـن اسـتـطـيع حـب احـد بـعـدـها..ولـكن مهـما كـنت اتمـنى

قـربـها..ومـهـما كان يـسـعـدني وـجـودـها..ومـهـما سـررت بـسـمـاع صـوتـها لن ارضى أن أكون لـعبة في يـدـها..ولـن

امـجـى كـرامـتي لأـجـل تـكـبـرـها..لـن اـحـاول في يـوم رؤيـتها ولـن اـتـذـكـر كل شـي احـبه فـيـها..سـأـبقـي نـفـسي مـحـفـوـز

بـذاكـرتـها..وسـأشـكـرـها عـلى ايامي الـجـمـيـله مـعـها..وسـأشـكـرـها عـلى جـروح كـثـيرة بـسـبـبـها أخـيراً مهـما بـلـغ في

قـلـبي حـبـها..سـأسـعى جـاهـداً لـنـسـيـانـها فـهـذا هو تـصـرفـها وقرارها..وان كـانت تـهـمـها كـرامـتـها..ف كـرامـتي فـوق

كل تـكـبـرـها

بقلم:- ماهر منصور

رفع عتب...

حببتك و تسرعت بحبك.. وياريت ما حببتك.. أحياناً بندم اني حببتك.. وأحياناً بندم اني عرفتك.. أحياناً بحسك قريب و أحياناً غريب.. و اغلب وقتي معك انت كالغريب.. عقلك مش معك.. لا مش معك

ولا حتى انت معي.. حتى اسلوبك صاررفع عتب

بتعرف شغلة.. بحس أحياناً انه لما كنا أصدقاء

كانت العلاقة أحلى.. وما كنا نخاف نحكي

هلا الخوف ما سكنا و العتب ملاحقنا.. انت خايف انه تعيد تكرار الماضي.. وترا أنا غير عن الماضي.. حببتك ب عيوبك وما سألت عنهم.. حببتك بكل شي فيك منيح كان و مش منيح.. بعدك عني خلاك غريب علي.. بتعرف شو.. خليك بعيد.. يمكن ارتاح شوي.. ويهدى بالي و انت بعيد.. وجع فوق وجع.. و اقول لقلبي اتحمل.. هاد مش اول وجع عشته و تخطيته.. كف ورا كف.. و اقول يلا.. عملو شي كرمانا.. بس أحياناً القلب بتحمل فوق طاقتة.. و أقول معلش يا قلبي انت القوي.. و أقول معلش يا قلبي بتهون.. و وجعك بيمضي.. و بضل اقول بتهون.. بس لمتي؟؟ وعشان؟؟ و ليش؟؟ اركض ورا شي مش الي.. اركض ورا شي رح يتخلى ب اي لحظة.. و بضل احكي يما ناس تخلت من اول الطريق و ناس تخلت بنص الطريق و ناس ضلت ل اخر الطريق... بس انت ما فكرت تكمل جزء من اول الطريق...

وبقول يلا بتهون

مبدأ...

بمريومي كأنه يوم ثاني.. عادي.. و اقل من هيك..

بس المشكلة كل يوم عم بكتشف انه البعد عنك

احلى من اي يوم كنت فيه معاك.. وانه البعد عم بكتشف انت شو بالاصل.. وبضل اقول عادي يلا
بنتعود.. وبضل اكتب و اكتب.. و الايام بتمرء

انت مش انت

و انا عم بتحول ل شخص بطل يفرق معاه شي.. انت تغيرت و انا تغيرت.. ومين قال انه هاي الايام في حد
بضل مثل ما هو.. حتى حركة الهوا بتتغير.. حتى غروب الشمس وقته بتغير.. حتى القمر بتغير.. وما في
حد الا وبتغير.. الي بتغير للاحسن..

و الي بضل مثل ما هو بس بتغير لشخص أسوء.

عادي و الايام ما بضل مثل ما هي.. يوم حلو.. يوم مر.. يوم دراما.. يوم اكشن.. و يوم بتحس انه كل
الناس معك.. و يوم بتحس كل الناس ضدك.. و بتمرء الايام و بتتعود عليها.. و بتفهم انه مش كل شي
بضل ع حاله.. و بتعرف انه ممكن يجي يوم و عنجد ما تلاقي هداك الشخص الي حبيته موجود.. و بنقول
شكراً لكم.. و حتى كلمة شكراً كفيلة انه انت تفهم معناها.. يا بتتغير للاحسن.. يا للأسوء.. و انت اختار
و حدد.. و انا بعاملك ع مبدأ تغييرك

همك حالك...

يوصلك مسح من شخص كنت انت كل حياته

ل يبعث (صباح الخير) رفع عتب.. يا عمي المسح إلي منك ما بلزمني.. كيفني معك!!! يلا والله معك

فوقها.. ما بدي شي منك.. عادي.. عمري وحياتي مش رح توقف عندك.. وايش يعني اهملت؟؟

وايش يعني بعدت؟؟ وايش يعني روحت؟؟ روح

عمرها الحياة ما كانت ع طرف واحد.. عمرها الدنيا ما بتمشي من طرف واحد... وايد وحدة ما بتزقف..

عمره الحب ما كان تملك.. الحب عبارة عن مشاركة.

عمره الحب ما كان اهمال الطرف الي اعطاك الامان

عمره الحب ما كان وعود ع ورق.. فعلاً.. بعد تجربة الحب كذب.. وبصراحة مش قادرة اوصف الحب

شو هو.. لانه شعور الحب بخزي هاي الايام.. بخزي من ناحية انه وفيت اكثر من اللازم.. اعطيت فوق

حجمه

اهتميت زيادة.. ويلا انا بقولك روح والله معك

مش رح استنى منك جبر خاطر.. ومش رح استنى منك ارجع أحس ب شعور الحب.. لانه انت اسم الله

عليك.. بتكسرو بتجبر.. ولا بتحس ع حد.. ولا مهتم ب مشاعر حد ولا ب اي شي.. همك حالك وبس

اكثر من هيك مش شايف

وتمضي....

رح تمضي.. شو هي؟؟.. الايام!!!... اه رح تمضي

وتكون أحسن من أول.. ويمكن تمر بفترة بسموها

(ضغط نفسي).. تحس حالك.. تعبان.. مكسور..

مهموم.. رح تمر ب كل هاي الفترات.. رح تمر ب كل المراحل.. مرحلة انه عشقان.. مرحلة انه طاير بالحب

ورح تيجي عليك ايام انت مش عارف احساسك وين

مش عارف وين ممشاك!!.. رح توقع.. ورح ترجع توقف ع حيلك.. بس رح يسير كل شي معك وانت مش

واعي شو الي بسير.. ورح ترجع تحكي رح تمضي.. ورح ترجع تمر ب ضغط نفسي.. الحياة هيك

خليك مفتح ألوانك.. رح تنكسر اليوم.. ورح توقف بكرة.. عادي.. ورح يدخل ع حياتك أشخاص وبنفس

الوقت رح تخسرهم.. لانهم ما كانوا معك بنفس الطريق.. او يمكن طريقهم غير عن طريقك..

او حتى تفكيرهم غير عن تفكيرك.. ويمكن شايفين انه الحياة هيك ماشية وبدهم يمشوزيها..

ف عادي.. بروح واحد.. بيجي الف غيره.. بس انت لازم تتعلم كيف تختار.. لانه كل ضربة اكلتها هي الي

بتقويك.. خليك تحت ضغط النفسي.. عادي..

بس خلي يكون الك بصمة في هاي الحياة.

قلب باهت..

نتحمل الكثير لأجلهم وبالتالي بحاربوك وبنكروك وبنسوشو عملت عشانهم وكم من البشر خسرت وكم من الكلام تحملت وكم من الوجد ابتلعت وكم من غصة قلب حبست هناك أشخاص لا يعرفون قيمة ما تفعله لأجلهم الا ان تتوقف عن فعله .. كلام ليس له معنى...

مشاعر هدمت.. وثقة انعدمت.. وغصة قلب حملتها بين ضلوعي.. قاومت عشانك

وخسرت روعي.. وبعث عمري.. عشان شي بالخيال

كم من دمة نزلت وتحملت.. كم وجع عشته وابتسمت.. كم من كسرة خاطر شوفت....

طرف نالك

رح تصحى...

رح تكبر.. ورح توعى.. ورح تكتشف مع الأيام انه الي صار معك رح يمرء من ذكرياته عندك عادي

مش رح تتأثر.. ومش رح تزعل.. وعادي.. ورح ضلك تقول عادي.. بس رح تكتشف انه في شي جواتك ناقص.. لا لا مش الحب الي انت خسرتة.. ولا الي ضحيت عشانه.. رح تكتشف انه انت خسرت حالك ب

معركة اسمها التضحية.. ضحيت عشان هاد

ضحيت عشان هداك.. ضحيت عشان هاي.. ضحيت عشان هديك.. ورح تكبر.. وتعلم كيف تختار

ورح تتعلم كيف ما تسمح لحد يجرح مشاعرك...

طرف نالك

نصيحة...

عن شعور بعض البشر.. بعطيك وعود وبعطيك كلام

انه رح يضل معك ل اخر الطريق ومش رح يتركك بالنص.. وبأقرب مفترق طريق بتركك.. وبقلك الله

معك.. طبعاً هو رح يكون مرتاح نفسياً وكل شي

يعني مش رح يفكر فيك ولا ب شغلات تانية

ما بفكر ب كم قلب كسروكم من خاطر خدش

بفكر بس.. بفكر كيف بدويرضي حاله

شو الطرق؟؟ شو الاساليب؟؟

اعطيك نصيحة تمام

خلي ثقتك معدومة.. مش ل شي.. بس امشي متل ما بحكيك.. ماشي اعطاك الوعد وعاهد على حاله

انه ما يبعد.. تمام ما اختلفنا.. خليك قد كل كلمة طلعت منك.. الوعد بدويتنفذ.. واذا ما تنفذ وما

كنت قد الحكي.. الثقة رح تنعدم.. حتى لو دخل على حياتك الف شخص غيرو.. رح ضلك انت مش

واثق بحد حتى ب حالك.. ف خليك ماشي ع مبدأ

مبدأ انت مقتنع فيه.. يا عمي الي باعك بيعو.. عادي

مش نهاية الدنيا.. بس خليك قوي وقد حالك.. وما تسمح ل مشاعر ولد صغير تسيطر على تفكيرك و

عقلك.. كون انت.. وما تسمح ل تغير جزئي بحياتك

يسيطر على مشاعرك او حتى على قلبك

ابعد قد ما بتقدر وخليك ل حالك لولزم الامر

طيب؟

حاولتي تنتحري.. اه.. اخذتي حبوب اكتئاب.. كثير

بكيتي.. فوق ما تتصور.. طيب!! ل متى هاي الحال؟؟؟

ل متى هيك؟؟ ل حتى تنفج الحال.. افرضي ما انفجرت!!! رح ضلها هيك

طيب اسمعي

حاولتي تنبسطي؟؟ اه... طيب؟؟؟

مش الي طريق السعادة

حاولتي ترجعي تحيي؟؟ حاولت.. طيب

اكيد لا.. ليش؟؟ لانه ما ضل حب

اخترتي طريق الصح؟؟ حاولت.. طيب

انت عن شو بتحكي؟؟

بحكي عن طريق طلعي حالك منه

طريق شو؟؟

طريق تكوني فيه مبسوطة ومرتاحة

يا زلمة هاي الطريق بس للمرتاحين البال

طيب وانتي؟؟

ضحكتني على فكرة... هاي الطريق مش الي

يوم الدين..

ما عندي شي أحكيه او أكتبه.. لانه محتارة بكل كلمة بدي أكتبها.. صح في افكار بس كل فكرة ناقصة كل فكرة مش راقبة ع الثانية.. خايفة اكتب كلمة واجرح كل شخص يقرأ.. اسمع بدي احكيك شغلة

اه انت الي عارف انه هاد الكلام الك.. في مجال اقولك انه الزعل مش لابق لعيونك الحلوة

في مجال اقولك انه ما الك غير الدعاء للميت

الله يرحمه ويجعل مثواه الجنة.. شوا عمل عشان ترجع تضحك.. احكيك شغلة.. اشتقت ل صحبتي معك.. واشتقت احكيك كيفك.. كيف الحال؟

وضعك صعب بعرف.. بس في أشياء بدي احكيك اياها.. قوم يا صاحبي واقراً.. اقرأ كل كلمة انت معني فيها.. زمان ما حكيتك أخباري.. قوم بدي احكيك شغلة صارت معي.. لانه ما في غيرك رح يسمعي

قوم مش انت حكيت معي ل يوم الدين

قوم في ناس كتير زعلتني.. و حكيت عني.. ومش عارفة اتصرف معهم.. قوم يلا..

خذ نفس.. شهيق.. زفير

قوم الدنيا ناقصها انت.. بعرف كلماتي مش واضحة

بس مش عارفة شوا عمل

أخذت نفس.. شهيق.. زفير... عدت للعشرة

الله يرحم كل شخص مات وكان عزيز

علينا سواء أكان من بعيد او قريب

الله يرحمهم ويجعل مثواهم الجنة

حنوع بعض...

المشكلة مش هون.. المشكلة بنهاية العلاقة..

المشكلة بالذكريات الي رح تعيشها وتلاحقك..

مع انه العلم علاقتك مع هاد الشخص خلص راحت

انتهت.. يعني مش موجود.. مع الاسف ممكن اي شخص يفوت على حياتك يرجعك ماضيك ب مساوئه
بمحاسنه بأوجاعه بأحلامه.. أنت فعلياً كل هاد بتكون ناسيه

بس بكلمه.. بفعل.. بتعامل.. بحركه.. بأسلوب.. بريحه.. بترجع تتذكر كل شي ب لحظة.. بمر عليك كل
شي بسرعة.. مش رح يتركك.. مش رح يعطيك مجال ترجع توقف على رجلك.. او ترجع لمنطقه الي
بسموها.. safe zone رح تحس نفس الاحساس

نفس الشعور يلي انت كنت ماشي فيه مع هاد الشخص.. تخيل معي.. كلمة.. حرف.. سطر.. اسلوب

رسالة.. ريحة.. اغنية.. حركة.. هدول كفيلا انها ترجعك لماضي انت دفنته ب ايديك..

عشان هيك حنوع بعض.. لانه ما حد يعني ما حد بستاهل تتركو من دون سبب

طرف نالك

غصة قلبي..

انت (غصة قلبي) أه.. انت إلي وجعتني وكسرتني ولساتي بحبه.. انت إلي قهرتني ولساتي بعشقتك

بالرغم من كل شي عملته بس بستني منك كلمة

كل شي كنت تعمله وتحكيه وتتصرف.. كنت احكي بيني وبين حالي ما كان بيقصد.. ومش هيك نيته

مش رح يرجع يعملها.. بس رجعت مرة ومرتين وعشرة وألف.. وما كنت بيوم من الايام متخيلة

تعمل هيك.. ليش!?!.. لانه بنيت علاقتي معك

على ثقة.. على مودة.. على اهتمام.. على تقدير.. بس كله كان زايد.. زايد عن حده

في كل مرة كنت تجرحني فيها.. كنت اكذب عقلي والحق قلبي.. لانه في كل مرة كنت واثقة بقلبي

وعم بكذب عقلي.. في كل مرة أحكي فيها مستحيل يجرحني.. بتجيني الضربة منك أقوى من إلي قبلها

كل مرة كنت أقول فيها هو غير عنهم.. كنت تثبت لي أنك زيهم تماماً وما بتختلف عنهم.. في كل مرة كنت

أقعد مع حالي كنت اصفن واحكي لأهو مش هيك.. وكان يجيني شعور أقوى من إلي قبله إنك انت كلك

ع بعضك كذاب.. في كل مرة حكيت فيها انت نعمة.. كنت أحسك ابتلاء.. وفعلاً كل إحساس رميته ورا

ظهري .. أثبت لي إنك بلاء على قلبي

اخذ كل شي وراح..

يجي شخص تمام.. بوعدك كل يوم انه مش رح يخذلك ولا يتركك.. ولا رح يتخلى عنك لو شو ما صار وقتها كلك ع بعضك بتصير مرتبط فيه.. لكن فجأة من دون ما تحس من دون ما تعرف.. بنسحب من حياتك دون سابق انذار.. وبتركك بنص الطريق وانت مش عارف السبب.. حتى دموعك بتصير عادي

عنده

غيابك عنه كمان عادي.. تنام وانت مدايق منه عادي واقل من عادي.. صرت ولا شي بحياته.. بيقسى عليك وبيكسر كل شي فيك

حتى شغفك بالحياة ينطفي.. وفوق كل هاد كنت انت مفكر هو كل سعادتك وايمانك.. مع انه للعلم هو سرق منك شغلات كتيرة.. سعادتك.. احلامك.. املك.. حتى لمعة الشغف ب عيونك اخدها.. ونهش قلبك وكسر فرحتك.. وخرب حياتك.. اخذ كل شي مني وراح...

طرف نالك

راحة بال..

عم ببعد عن كل الناس عشان ما أجرح حد معي..

او عشان ما اخرب صورة الحياة بعيون الناس

الحياة ماشية عكس قراراتنا.. لما ببعد.. ببعد لانه في سبب.. لما اتغير.. بتغير لسبب.. وعارفة انه التغير الي بتغيره إله أسوء من لما اكون ع طبيعتي..

ببعد لاسباب.. بهمل لاسباب.. بتغير لاسباب.. بنسى لاسباب.. حتى ثقتي فيك قللت لاسباب.. كل شي واله سبب.. حتى تعاملتي معك بتغير لسبب.. حتى عدم وجودك بحياتي اله سبب.. انا عم بختصرو ببعد لأسباب لحتى انتويا بشر ما تحكو عني نفسية..

وبصراحة ما عندي وقت أقعد أبرر لكل شخص ليش انا هيك !!!

اعطيك حل وخلص؟؟؟

يا عمي مش عاجبك تعاملتي معك عادي.. لف وارجع من مكان ما جيت.. مش عاجبك انه انا هيك..

عادي.. لف وروح شوفلك طريق تانية تمشي فيها

ئي....

طرف ثالث

صوت خافت....

هاي الايام عايشة بتقلب مزاج.. ليش؟؟؟

هيك.. يا عمي مزاجي وحره فيه.. تصرفاتي وانا مبسوطه عليها.. مين انت لتيجي تحكي علي؟؟

من تعامل او تصرف.. او من كلمه.. او من طريقه حكي.. انت مش قاعد مع كل البشر لتحكم عليهم

هاد كيف وهاي كيف.. سمعت هداك او هديك

يا عمي خف علينا شوي.. ترا حاملين أوجاع جوا قلوبنا بس ما عم بيخليك تشوف.. حاملين هموم الله

بيعلم فيها.. خيبة امل.. غصه قلبي.. وجع في الروح

مش قادرين نتنفس من كل الصدمات الي عشناها

حاسين في شي طابق ع صدورنا... في كلام اغلبه مش واضح

في مشاعر ضايعة.. وتايهه.. ومش عارفة الطريق ل وين!!! خايفين نرجع نحب!! اه طبعاً

خايفين من كل شي.. بمشي على الارض.. في شي اسمه فقدان الامل بعد مليون محاولة..

اجي علينا وسلم علينا وضل عايش فينا

صوت خافت

مرحلة الزهق...

حاسة فيك.. بعرف انك عم تشتاق اله.. بعرف انك عم تشتاق لالمسته و عارفة شعورضلك صاحي
الفجربتفكرفيه.. عارفة انه كسرك بس راح

وطلع من حياتك.. عمل كل هاد وهو مش مهتم

عارفة انه انت عم تتمنى تكون مكانه وهو مكانك ليحس بوجعك

عارفة انك تعبان من ماضيك و عارفة كمان انه انت هلا عم تتغيرلحتى ما ترجع زي اول

بتحاول تحسن من حالك لحتى ما ضل حاسس حالك مجروح ومكسور.. تعبت والناس عم تحكي

عليك.. تبعت من نظرة الناس عليك.. عارفة و حاسة انك تعبت.. اه.. اه.. انت تعبت.. وانا تعبت..

تعبت من بعد ما ابني طريق ييجي شخص يهد هاي الطريق

إلي انا ماشية فيها.. تعبت وانا عم بحاول ابني حالي

وانت في كل مرة بتيجي فيها بتهدني

تعبت في كل مرة بحاول اصالح نفسي.. بتيجي انت في كل دقيقة بكون فيها عايشة السلام مع حالي

بتكسرنني.. وزهقت من كل مرة أنا بسامحك فيها

هيك انخلقنا..

افهمك شغلة.. واحفظها منيح.. وقت ما بدي أتغير

بتغيرزي ما بدي.. أنا بس إلي بحقلي احكم على حالي وقت ما بدي أتغير.. مو انت تيجي تقولي بحجة (انا بدي لا الك الاحسن والافضل)

ما في انسان كامل.. حتى انت ناقص.. فينا عيوب قد مشاعرامة محمد.. بس تع افهمك شغلة.. انه هاي العيوب مش قادرين نغيرها

لانها جرحتنا كتير وفوق ما تتصور.. ومع هيك عم نحيا.. لانه هاي العيوب صارت جزء فيني ومني وإلي في عيوب انخلقت معانا.. وفي عيوب احنا خلقناها

وفي عيوب سبب للقوة الي فينا.. وفي عيوب سبب ضعف وجرح النا.. اذا انت عم تنتقدني ف انت عم بتقلل من قيمتك.. اما انا فما حد بالكون حب حاله

قد ما انا بحب حالي.. وشكرا... الي بعده

طرف ثالث

دائرة انكسرت...

احكيك شغلة.. بكرة اشي اسمه

(تطلع من حياتي دون سابق انذار).. بكرة الرحيل دون سبب.. عمره حدا ما نيهك ع شي؟؟ او حكاكك ديربالك.. او

حكاكك انتبه من هاد الشئ...

حكاكك صح؟؟ يعني لمحكك!!

يعني اعطاك اشارة صح؟؟

انت عكسهم

روحت وطلعت من حياتي من دون ما تحكي

ما حسيت وما عرفت انه انت خلص طلعت..

وما عاد فيك ترجع.. انا بقول يمكن الحب الزايد

الاهتمام الزايد.. ما عجبه.. طيب شو ذنبي أنا؟؟

لتقلب حياتي رأساً على عقب.. طيب ليه ما حكيت!!

ليه ما لمحت؟؟ ليه ما واجهتني وحكيت؟؟

من وراك حياتي انقلبت.. صرت اي شي بدني اعمله

احسب الف خطوه لقدام.. ليش هيك؟؟

شو ذنب قلبي فيك؟؟ شو ذنب ثقتي تكسرهما؟؟

خليتني أشك بكل الناس الي حولي..

صرت اشك بكل الناس الي بتوقف معي شو بدها مني؟؟ ليه انا؟؟ ليه قلبي؟؟ ليه روجي؟؟ ليه ثقتي؟؟

ليه نفسيتي؟؟ إلي لليوم بس أكون مع حالي بنسب عليك... ليه أنا؟؟

طبعها حاد.. طبعها غريب.. وما حد حاسس فيها..

او حتى مش راضية تخلي الناس يشوفو ضعفها

لحتى ما حد يشفق عليها.. الكل بعرف انه هي تمام

منيحة ومبسوطة.. بس ما حد بعرف مالها او كيف الحال؟؟ بتصنع الفرحة ل حد ما يحيي انه هي

غلط

بتساعد الناس وبتفرح الناس.. وعندها هي بتحط راسها ع المخدة وبتنام وما بتسأل ب حالها كيف

حالتها.. ما حد قادر يعرف ويشوف ضحكتها المصطنعة.. يمكن بحاجة لحضن أو كم كلمة يرفعو آمالها

انه الحياة حلوة.. بتحفز الناس وبترفع معنوياتهم وعندها هي بطفي الضو وبتسكر باب مشاعرها

وبتنام وهي شبه ميتة ومخنوقة..

بتوقف مع الكل.. وبتحب الكل وما بتكره حد..

بس لما تصير الشغلة عندها ما حد بحبها

والكل بين ع حقيقته معاها..

طرف ثالث

حط ببالك..

تعال احكيلك شغلة.. ما تفكر كترة الناس حوليك

انها رح يكونو معك.. عند اول مطب رح يتركوك

ويمشوو.. هم بس شخصين ثلاث الي رح يضلو معك

ويساندوك.. وبمسحو دمعاتك وبوقفو معاك وقت ضعفك.. اذا زعلت وانكسرت عادي معلىش انت مو

جماد.. بس حط ببالك انه الجرح هاد رح يطيب بس

بدو وقت وبدودوا وكل واحد حسب دواه ورح يداوى

طبعك إلي كان ثقيل عليهم ومودك الي بكروه ونكدك الي كانوا يسمعوك كلام عليه

رح يدخل على حياتك شخص رح يحبك بكل مساوئك.. قبل محاسنك.. رح يفرجيك انك كنت كثير عليهم

بالوقت الي كانوا هم مفكرينك كتار عليك

ما ضلك جوا دائرتك.. اطلع منها.. وطلع كل شخص ما بدك اياه.. ودخل فيها مين ما بدك شو الي

بتستناه؟؟؟ انجز يلا

طرف ثالث

زرع بصمة...

في مرة قعدت فيها مع حالي.. وبلشت أسأل حالي شو انجازاتي ب 2020.. وقعدت مع ضميري لأول مرة قعدت نقاوة.. اوزي ما بتتسمى (قعدة عرب)

المهم... سألت حالي أسئلة كثيرة.. الي حبيته شو اجاني من وراه

الي ضحيت عشانه.. شو عمل عشاني؟؟ الي حكيت ل أمي عليه و صارحتها عليه

شو انجز كرمالي؟؟!! الي بكيت دموع عليه ليل ونهار.. شو احي من وراه؟؟ سألت اكر من مرة

وفي كل مرة بوصل لطريق حل ما إلها

بس الي اكتشفته لقيت حالي.. عرفت حالي

وعرفت عمره احساس القلب مو صادق.. كان وقتها عقلي يقولي لا و قلبي يقولي اه.. كان عقلي يقولي رح

تنكسري ورح تبطلي توثقي.. و قلبي بقول انسي ما انت بتحبيه.. وركضت وراه احساس القلب ونسيت..

بس وراه كل التضحيات.. ما حد انكسر قد ما قلبي انخذل... جرح بلا نسيان

طرف ثالث

فيينا نحكي بداية جديدة...

ما تسألني كيف حالي... منيحة انا كيف ما كنت

انه ارجع اشكيلك همي واجي احكيلك مشاكلي

هاي رح تكون ب احلامك الوردية.. ما علينا..المهم

لانه بالنسبة الي.. الي يستصغرنني ما يلزمني بأي حالة من حالاتي.. الي ما ياخذ كلامي على محمل الجد

ما يلزمني حتى ب وقعاتي.. لانه بوقف ع رجلي من دونك وبسند حالي بحالي بالعربي.. مش بحاجة ل

أشخاص الي بوجهين

خليني بحالي وخليك بحالك.. كثير سهلة.. وهيك احسن الك.. حالي من دونك مرتاحة البال.. وهيك فيينا

نحكي خلصت القصة.. القصة الي حكي فيها كل البشر.. القصة الي كان واحد من الطرفين فاقد

مشاعر.. القصة إلي كان واحد من الطرفين ناقص.. ناقص شغف.. ناقص حب.. ناقص كل شي فيها..

القصة الصعبة الي مش ممكن ترجع زي اول.. وتصير

نقطة و صفحة جديدة

طرف ثالث

ما حد حاسس..

هلا لواجى اليوم والتقيننا فيه واجت عيني ب عينك... شو ممكن تعمل يا ترا؟؟؟ شو ممكن تكون ردة فعلك؟؟؟ شو ممكن تتصرف وقتها؟؟؟

بالنسبة إلي.. رح اعتبرك ولا كأنك دخلت حياتي

انت اختفيت.. باليوم الي طلعت منه.. باليوم الي سحبت حالك واختفيت.. باليوم الي بلشت تعاملني عادي.. مع هيك وفوق كل هاد قاعدة عم بكتب فيك رواية

الله وعلى سخرية القدر كيف!!

عم بكتب وانت ب مكان وانا بمكان

لا انت تقرأ.. ولا حتى أنا أقرأ شو بكتب

بس نازلة اكتب زي الي فقدت اغلى ما عندها

نازلة اكتب ولا كأني بعمرى كتبت.. ايش عم يصير

جواتي الف شخص وشخص.. شخص كئيب وضايح.. شخص بيضحك ويمزح.. شخص فقد لذة الحياة وشغفها.. شخص ساكت ومش مهتم.. شخص بحكي وفاقد اغلب الكلام.. انا جواتي تناقض وصراعات.. بس ولا جواتي عفوي.. ولا شي جواتي واضح.. ولا شي جواتي صاحي.. وكل شخص جواتي عايش لحظة السكره.. ما حد عارف وحاسس

بلا عنوان...

انتي ولا مرة حكيتي انك تعبانة.. ولا مرة حكيتي انك ما عم بتحسي ب شي.. مبلى كنت احمي.. كنت اناام
عشان اهرب من كل الناس.. كنت ابي من دون صوت.. احمس دموعي لحد وقت النوم.. ضليت ابي
لحد ما اناام من دون ما احمس.. حكيت بس اهملت وجود ناس كانت بحاجتي وتركتها.. كنت اكتب ل
سطوري قديش انا تعبانة.. كنت بحكي نفسي اصرخ واطلع كل وجع الي جوا ضلوعي.. وكننتوانتو
تفكروني اني بمزح.. كنت احمي انا بدي ابي لأنسى

كنت احمي و احمي ما كان في حد يصدقني

ما كان حد يصدق قديش انا كنت بحاجة لكتف ابي عليه

اوكتف يطبطب علي وقت ما صحيت ولقيت كل الناس تخلت عني... كنت احمي

بس ما حدا انتبه لي... هاي كل القصة

طرف ثالث

صعب....

في أشياء الواحد بتعب منها.. زي كلمة (انسي..طنشي..كبري عقلك).. كيف انسى؟؟

إذا اصلاً الجرح مطبوع؟! كيف اطنش واصلاً المواقف بترجعك للماضي.. كيف انسى إذا كلمة النسيان صعب أي حد يتحملها.. مش أي حد بقدرينسى ماضي انحرف فيه ونبصم فيه.. مش أي حد بقدر يطنش وجع انكتب جواه وانحصر في قلبه..

مش أي حد بقدر يكبر عقله وينسى خيانة وخذلان صارت معاه... مش أي حد قادر يكبر عقله وبحصر وجع بعيد عنه... مش أي حد ولا حد قادر ينسى اشخاص طلعو من حياتنا بيوم من الايام ومن دون سبب.. وحتى لو رجعو بصورة أحلى من الاول..

صعب اعيش مع الشخص مرتين.. لانه رح احس بنفس الخيبة ونفس الوجع ونفس الاحساس ونفس الخوف ونفس الشعور ونفس كل شي كان موجود بس كانوا....

طرف ثالث

اٲم جهنم....

ما ضل حروف اكتبها.. ولا ضل مشاعر انشرها..

ولا ضل اي كلمة احكيها.. كتبت ع اساس يرتاح قلبي

كتبت ع اساس تشفى جروحي.. رويت على مبدأ نسيان حروف وشميت على جسمي.. اكبر اٲم عملته

اني حبيت واهتميت بزيادة.. اكبر اٲم عملته اني قدرت ووفيت

اكبر اٲم ولا يمكن اتسامح عليه

اني اعطيت وسألت زيادة.. كل هدول تحت مسي

(اٲم جهنم).. اغلاط.. سيئات.. جروح.. تأثير عكسي

هموم.. كسر.. كره.. مشاعر مش واضحة..

وغصبة بالقلب.. كله تحت مسي (اٲم جهنم)

اكبر اٲم صار معي او اكبر اٲم عملته.. اني كنت منيحة بعلاقتي على مبدأ (كما تدين تدان) او (اعمل

منيح بتلاقي بأخر الطريق)

خليني اضل على اٲم جهنم وبس

لقيت حالك؟؟

نبلش شي جديد عني...

بعرف مين بحبني وبعرف مين بيكرهني..

بعرف كل كلمة بتطلع من حدا شو سببها وشو غايتها.. بعرف لما تحكيني مصلحة قد ما جمّلت كلامك

بلاحظ غيابتك وبلاحظ حضورك لو كنت بين مية...

بكتشف طبيبتك اذا خيرا وشر من أول حديث بيناتنا

وبحس اذا كلامك اللطيف عم محبة او خباثة..

بقدر ميّزين الناس متل ما بميزين أصابعي..

لهيك اذا لقيتني عم اتحاشاك ف دورع حالك بين

هدول ♥ ..

طرف نالك

وبس والله..

حالياً كل علاقاتي مع الناس عاملتها ايقاف...

عندي احساس انه وجود اي شخص بحياتي..

بالوقت الغلط.. او مو صح انه هو بحياتي...

لو حد يبعثلي برد عليه بعد فترة.. بشوف المسح برا التلفون وباجي ع بالي افتح واردر..

ولو حد رن علي بضل صافنة او بحط كتم الصوت

لانه مش حابة ارد.. وبس تخلص الرنة برمي التلفون

ولا كأنه صار شي

مو كآبة ولا حزن... بس خلص وصلت مرحلة مليت فيها كل شي... وبس والله

طرف ثالث

مش دايمًا في..

في مجال يا جماعة ... ما حد يستهين بزعل الشخص الي بتحبوه...

ولا طنشو هالزعل.. انتوما تتخيلو قديش الزعل

بيطفي روح البني ادم..

والي اقسى من الزعل.. احساسنا انوزعلنا مش فارق مع الي احنا بنحيم الي جد وقفنا ضل الكل

عشانهم

يا عمي صالحوا بعض.. وحنوع بعض بالحنية بنحل كل شي...

حنوع بعض مش دايمًا في بكرة...

وبس والله...

طرف ثالث

بلا عنوان..

كثير من الناس بحسو الوحدة البشعة.. وكثير كمان

الوحدة غير ما انت عم تتصور..

لما تبعد عن العالم كله وضل مع حالك لحالك

مع تلفونك وكتاباتك واقتباساتك.. بهدوء من غير ضجيج العالم.. وكلام العالم.. وحي العالم..

بوقتها انت بتكون قاعد عم بتراجع ذكرياتك كلها

لتعرف قديش انت زعلت بحياتك وبكيت لحالك مع حالك.. بدون ما حد يحس فيك.. او انك تفرجي

حد انك ضعيف.. عم تتحمل الضغط لحالك وبضلك قدام اي حد انت اقوى حد.. بس جواتك

تهميش وتكسيرو ما حد حاسس فيها غير حالك..

ومن دون ما حد من العالم يوقف معاك ..❤️ !!

عم بختفي ل اسباب وبرجع ل اسباب

طرف نالك

اوف اوف اوف..... عم بسمع عن الموت هاي الايام... ايش في؟؟؟؟ شو عم بصير.... اذا بيوم من الايام
روحت ما عليكم غير الدعاء الي... لا حد يبكي علي.. لانه ما بدني غير الدعاء.. ما بدني حد يحكي كانت
وكانت.. استروا عيوي... واحكولي عن محاسني بتمنى من كل شخص يذكرني بالخير

يضل يذكر محاسني قبل مساوي..

واذا بيوم حد زعل مني سامحوني.. وجرحته بالحكي

بتعذر منه.. ضلكم طمنوع اهلي وطمنوعهم اني مبسوطه بالمكان الي انا فيه... لا حد يقسى ع اهلي
ويقولهم بنتكم كانت وكانت... مش ابوي الي بتحمل... مش امي الي بتستوعب... مش اخوي الي رح
يسمع.. مش اي حد رح يفهم.. ضلكم اذكروني بالخير.. و ضلكم احكو... ماتت وكانت تعمل وتسوي

خير... غير هيك ما حد يحكي.. اذكروني بكل طيب

واذا بيوم روحت سامحوني...

واذا بيوم قصرت مع حد اعذروني...

طرف ثالث

بدي قلك شغلة...

بس تتعب رح تلاقيني جمبك

حتى لو ما بدك.. بس تتعب رح تلاقيني عم بمدلك ايدي الك.. ورح قولك قوم لا توقع... قلبي وانا معك..

حتى لو ما كنت معي.. بس تتعب كب كل تعبك على قلبي.. صدق قلبي رح يتحمل التعب كرمالك..

بس تتعب رح تلاقيني اول حد بقلك تعال..

احكي لي بعرف انك مدايق..

بس تتعب رح اتعب معك.. بس تتعب ميل على قلبي لو كتفي ما كفاك.. وشو حلو التعب كرمالك

طرف نالك

في منه؟؟

حلوما تحس انه الدنيا و اقفة ضدك.. وتحس انه كل الناس تخلت عنك.. وفجأة تلاقي شخص عنده استعداد يسمعك.. او حتى يغير مزاجك.. او حتى يسمع صوت ضحكك... شخص عنده استعداد يغير الك مودك لحتى تضحك.. لانه أصلاً الزعل مش لابق ل عيونك

ويمكن أصلاً دموعك الي بتحلي عيونك.. شخص عنده استعداد ما يتركك الا وضحكتك ما تفارق عيونك... حتى اللمعة الي بعيونك حاينها.. حتى قلبك الطيب.. حبّو من دون سبب.. لانه انت هيك.. لانه انت واضح.. ولانه قلبك بسرعة برضى وبسرعة بزعل وبسرعة بتغير وبسرعة برجع زي ما كان ولا كأنه صار.. قلبك كان سبب كل شي صار معك... بس بتكتشف انه قلبك سبب محبة الناس الك.. سبب دعاوي الناس.. انه قلبك ما في منه...

بس انت مش عارف انه قلبك منيح.. لانه الناس كلها سرقت منك لمعة قلبك... وبس والله...

الي بعده!!!

طرف نالك

حرفياً...

عندي قناعة قوية وسفاحة.. انه انا ما خسرت اي حد بحياتي.. الناس خسرت وجودي بحياتها و عادي.. ترا ما يهمني.. وعارفة و متأكدة انه

الي تركني من دون سبب رح يجي يوم ويدور علي بين كل الناس الي بعرفهم.. الي زي مش رح تلاقي..

قناعتي هاي الفترة الحمد لله او الثقة الي انا فيها واصلة اعلى مستوى فيها.. ف اتس اوك.. اطلع واختفي اخرهمي اسأل عنك.. انت الي اخترت البعد.. الله معك.. مش زعلانة ومش مهتمة

طرف ثالث

مستحيل...

انت مفكر حالك رح تنسى او بتتخيل انك تنسى

مستحيل تنسى حد عشت معاه ايام وحكيت معاه

بالساعات وضحكت معاه وتخانقت معاه

شو ما تعمل.. الا ما يجي موقف وتذكر محاسن او مساوىء هاد الشخص.. رح تسمع اسمه ورح تلمح

صورته.. رح ترجع لمحادثة كان كلها حب ولهفة

رح تنام وتسال حالك شوالي صار.. معقول بسرعة راح واختفى ونساک؟؟.. معقول نساني ونسى

ايامي؟؟ وحي وكياني ولهفتي؟؟

رح تشغل بالك ب اشياء انت ما بدك اياها

مش لانه انت بدك.. لانه انت مجبور تتذكر

مجبور كل موقف ترجع ل شي انت ما بدك اياه

مجبور اي شي يصير معك يوفق مجرى حياتك

بسبب كذبة وحب طلع كله ورق

رح تتناسى بس مستحيل تنسى ... مستحيل

الشي الي بشع بالعلاقات...

هو انه يجي ع حياتك شخص ويعودك ع شي معين..زي مثلاً

اهتمام زايد.. حب زايد.. حنية.. ليصيرالشي هاد شي اساسي ب حياتك.. وفجأة بتغير.. يحرمك منه..
يحرمك الحب ... الاهتمام.. الحنية

هون وقتها انت بدك هالحداء.. كل عقلك معو بتشتاقله.. عم بتحن بطريقة مجنونة

بس ما فيك تطلب.. لانك بتعرف انه هاد الشي ما بنطلب.. ما فيك تاخده.. لانه ما الها طعم اذا طلبتها..
او خلينا نسميها (شحدثها)

لانها مش طالعة من القلب.. شو الفائدة انه انت لساتك معاه وانت عم بتحس انه مافي شي من الحب
والاهتمام والحنية

حتى لو احي الكل واهتم فيك.. مش رح يعوضك عنه... ولو كل الناس اجتمعت..

رح ضلك تستنى فيه وقلبك ما بتقبل حد تاني ولا بده غيره

هاد هو اسمه ادمان وغياب

طرف ثالث

بتعرف شغلة..

بالوقت الي حبيتك فيه

حسيت حالي طاييرة من الفرح.. هو الوقت الي مررت فيه بفترة وجع.. لانه كنت شايف انه حبك خيال
وحقيقي.. حسيت انه روعي شفيت من تعبها

والصدمة انه كان حلم عارف ليش... لانه على اول موقف سحبت حالك وروحت.. وللأسف كانت
صحوة من نومي كان جرح جديد لقلبي

الي توقع انك سند اله.. وانه لما توقع رح يلاقيك

وانت دواه لما يتوجع.. بس بتعرف شو استفدت

انه علمتني ما اوثق باي شخص لويحلف بالديانات السبعة.. علمتني انه مافي حد بحب حد بعيوبه

بس بدهم ايانا وقت نكون مبسوطين وبنضحك

علمتني انه القلب غالي عليك

وبما انه قلبك كان غالي عليك.. انا قلبي كمان صار غالي.. خلي الي ضل فيه احب اهلي والناس الي عنجد

بتهم ل الي

يمكن بكرا...

انسى انه اجى ع حياتك شخص و خذلك بقوة

و انكم كثير كنتو طيبين مع الاشخاص الغلط

وانسى انك عم تتمنى شغلات لسا ما صارت

وانه الشى الي عم تحلم فيه لسا ما وصل

ولا تفكر ب انه الدنيا زي المرجوحة... ولا تفكر انه كما تدين تدان اعوج او ديله ملتوي

ترا الاشكال من برا مش زي من جوا.. تعال اقولك شي... خلي راسك دايمما بالعالى

وحط عيونك ب عيون ربك.. لانه هو الوحيد.. الي مش رح يخذلك ب يوم من الايام

وخليك مستوعب انه الله بس حرمك من شي.. ما حرمك من فراغ... حرمك لانه بده ل الك الاحسن..

لانه بده يعوضك ب الشى الي انت تستناه... هلا بلشت أمن ب هاي الشغلة.. ربنا حرمني من حب

حبيته.. لانه بده ل الي الاحسن

بده ل الي الشخص الي مستحيل يتركني ب نص الطريق... حرمني من شغلات انا غنى عنها

حرمني من شغلات يمكن اندم عليها لقدام

وبضل احكي الحمد لله... وخليك ع امل انه في بكرا واحسن من اليوم.. في بكرا ويوم حلو... اذا مش

اليوم

يمكن بكرا

لقينا مات..

ب كل واحد فينا.. قلبه مال.. تجاهلنا وانه عادي شو ما يصيررح يرجع الي عم نستناه

النبضة الاولى قاومت لفترة والنبض حمل كل شي... والحكي والشعور والمواقف والمشاعر عم بتزيد
وتراكم يوم بعد يوم... والنبضة الثانية حاولت تبنيها وحاولت تحكي انه خلص بكفي تستنى.. وانه
القلب خلص تعب محتاج يرتاح من التعذيب.. وضلينا نعذبه ل حتى حكينا عادي بيتعود.. مات
القلب.. ومات النبض.. ولحقها كل نبض موجود بالقلب.. ولما اكتشفنا انه احنا بحاجة حد جمبنا..
لقينا كل نبض ميت بالقلب.. ما ضل نبض ينبض بالقلب... مشاعرنا ذبلت.. ما ضل فينا حيل نحط
اعذار الهم.. لقينا القلب مات

وضل العتب... العتب الي ما اله فايده بعد موت القلب

طرف ثالث

اليس حالك...

اهرب لما تحس حالك عم بضيع.. اهرب.. لما تحس حالك بدك شي معين ومش ملاقيه.. اهرب لما تبطل تحس حالك مبطل تشبه حالك.. اهرب لما تتغير صفاتك اسلوبك حياتك تصرفاتك.. وقت تلبس شخص مش انت

وقت ما تتغير مع حالك... يا عمي لا ضلك تتغير عشانهم... مين الي مهم؟؟؟ انت ولا هم؟؟؟
غير حالك ل حالك.. ارجع حالك... ولا تفكر تكون ل شخص تاني.. صدقيني الشعورانك تتغير ل شخص تاني والله بوجع وصعب.. مش حلو بالمره

حلو الناس تحبك مثل ما انت.. حلو الناس تعرفك زي ما انت.. لا تغير خصلة من حالك عشان حد

خلي الناس تحبك مثل ما انت

صدقيني شعورمو حلو بالمره لما الناس تحب واحد تاني موجود جواتك ولا بسك...

بس مو انت

وبس والله

طرف نالك

خلصت الحكاية..

مثل ما انت بتحبهم ما رح يعطوك.. انا غير

راح يسمعو همومك اه.. ورح يحاولو يخففوا عنك

من باب المواساه ومن باب انه واجب عليهم يضلو جمبك بس بالاسم والحكي

بس ولا حد فيهم بقدريشيل همك وتعبك ووجعك

وما حد رح يحتويك.. وما رح يطلع ب ايديهم شي غير انهم يطبطبو عليك.. رح يخلوك تعيش علاقة

مقرفة ب جميع مراحلها... مش رح يقدر و غيرو شي عشانك... ولا حتى شي جديد عشانك

رح يتغزلو فيك... وكل شوي رح يحكولك بحبك

و رح يصحوك بنص الليل لانهم بس اشتاقول الك

ما همهم وجعكم ولا اي شي فيكم... همهم بس يشبعو حالهم... ومن الشوق الكذاب.. الي سارق

عيونهم.. رح يمرق يوم واسبوع على زعلكم ويمكن يدوم.. ما رح يهتمو ولا رح يبادروا ب شي ما صدقوا

يقطعو العلاقة معكم وكانها

(خلصت الحكاية)

طرف ثالث

ما بفرجي حد ضعفي.. جربت اشاركه مرة وحدة مع حد.. واخر المطاف كان (الله بعين)

ع فكرة بعرف انه الله بعين.. بس ما بدي اسمع الله بعين.. لانه عارفة

بدي شخص اذا ميلت ع كتفه يقولي اذا كتفي ما وسعك ميلي ع قلبي ب مشاكلك

عشان هيك ما بشارك اي حد ب مشاكلي اوزعلي اوحتى ضعفي

لانه اخرتها الله بعين.. ربك بهونها.. ربنا ما بنسى حد...

هاد كله بعرفه حرفيا لما اقول لحد انا بدي اشكي هي.. يقولي بسمعك للاخرويهونها علي... مش الله بعين.. شو

استفدت

[بعد كل الي حكيتته بتتوقع كلمه الله بعين رح بهونها؟؟؟

ما بفرجي حد ضعفي جربت اشاركه مرة وحدة مع حد

واخر المطاف كان (الله بعين) ع فكرة بعرف انه الله بعين.. بس ما بدي اسمع الله بعين لانه عارفة

بدي شخص اذا ميلت ع كتفه يقولي اذا كتفي ما وسعك ميلي ع قلبي ب مشاكلك

عشان هيك ما بشارك اي حد ب مشاكلي اوزعلي اوحتى ضعف.. لانه اخرتها الله بعين.. ربك بهونها.. ربك ما بنسى

حد.. هاد كله بعرفه حرفيا لما اقول لحد انا بدي اشكي هي يقولي بسمعك للاخرويهونها علي

مش الله بعين شو استفدت من هاد الشئ بعد كل الي حكيتته بتتوقع كلمه الله بعين رح بهونها؟

لا مش رح بهونها لانه جربت شعور لما اروح عند حد وانا ميتة بكى ميتة ميتة

وما قدرت اوصف الي انا فيه... وبالآخر ربك بهونها

ياخي بعرف انه ربنا بهونها بس مش هيك.. فاهمين موضوع الطبطة غلط.. فاهمين موضوع الفضفضة غلط

الخاتمة...

كل واحد فينا داق الغصة... كل واحد فينا عاش تجارب الفاشلة.. بس الشاظر فينا الي بطلع من هاي الشغلة و اقف مش مكسور.. ولا حتى فيه خدش صغير...

تعلمت من تجربتي انه في يوم جميل.. في حد لطيف بطلع بحياتك..

تعلمت انه الايام الاسوء هي الاحسن.. تعلمت منه كل شي منيح وكل شيء سيء

والنتيجة كانت هاد الكتاب.. طرف ثالث ما كان اسوء شي مریت فيه.. الي مریت فيه محطة قطار عابرة.. عبارة عن نزوة.. عن رشح و عدی

تجربة الحب الي عشتها خلتنی اقوى من اضعف شخص..

الشي الي عشته من طرف ثالث.. انه الحب اله لذته بس مش من جميع النواحي...

الحب ما بوجع زي ما حكو... الي بوجع انه انت تعطي ثقتك كاملة لشخص ممكن يختفي..

الحب مشاعر.. الحب احساس.. واذا اختفى هاد الاحساس او الشغف.. رح توقع ب طرق ما الها طرف ثالث.. طرف ثالث عبارة عن طريق مسدود عشت من وراها ...

طريق ممدود ما اله نهاية... طرف ثالث عبارة عن مفترق طرق ل ثلاث نواحي...

بكتب خاتمة الكتاب و انا مبسوسة انه حرفيا.. الحب ما اله وجود الا بقصص الخيال..

وبكبته و انا حرفيا.. مش زعلانة ع ماضي راح... طرف ثالث عبرة لكل شخص دخل الطريق الثالث وما


طلع منها... طرف ثالث عبارة عن طريق ما الها رجعة...

Ola.M. Idrais

4/8/2021

4.39pm

Third_side1997



طرف ثالث